



Քայաստանում հանգրվանած շատ արցախցիներ հեռացել են Հայաստանից: Միայն Տավուշում հաստատված 1 110 արցախցի է (253 ընտանիք) հեռացել: Ահա, այսպես է իշխանությունը «տնավորում» իր մեղքով հայրենիք, հարազատներ, տուն, ապրուստ, հարազատների գերեզմաններ կորցրած ու Հայաստանում բնակություն հաստատած արցախցիներին:

Կարդացե՛ք էջ 4



Գործ ունենք մի խմբակի հետ, որ երկար տարիներ երազել է գալ իշխանության, ստացել է եւ պատրաստ է այդ նույն իշխանությունը պահելու համար գրել, բառի բուն իմաստով՝ ամեն ինչ: Չենք զարմանա, որ մի օր սա հեռուստացույցով լայվ մտնի՝ մարդ ուտի, եւ մարդիկ արդարացնեն: Այդ տեսակ բարոյականության մեջ ենք մենք ապրում:

Կարդացե՛ք էջ 6



Թալանչի Նախկինների մասին բալլադներին այսօր ավելացել են կալուզացի օլիգարխի «արկածները», որոնք ամեն օր հեքիաթի պես պատմում են ԶՊ-ական պաշտոնյաները՝ մտածելով, թե Նորից կարող են հեղափոխություն անել, չհասկանալով, որ իրենց կողմակիցներն արդեն բավականին փոքրաթիվ են՝ հեղափոխական այլք առաջացնելու համար:

Կարդացե՛ք էջ 8

Hraparak daily newspaper
4/41 Mashtoc St.
0010 Yerevan, RA
tel.52 66 70
info@hraparak.am



ՕՐԱԹԵՐԹ, 200 դրամ

N 64 (4199), 18 ապրիլ, շաբաթ, 2026



www.hraparak.am

Իրադարձակ

Երեւանի քաղաքապետարանի ենթակայությամբ գործող «Քանաբեռ-Չեյթուն» ծննդատան փակվելուց շուրջ 2 տարի անց աշխատակազմը չի ստացել աշխատավարձը. շուրջ կես տարվա աշխատավարձ են պարտք: Մեզ ահագանգել էր ծննդատան նախկին աշխատակից՝ անեսթեզիոլոգ Հայկանդուխտ Գրիգորյանը՝ որ չնայած քաղաքապետարանը խոստացել է վճարել, բայց հետո հրաժարվել է, թե ծննդատան նախկին կառավարիչն է պատասխանատու: Մեր հրապարակումից հետո քաղաքապետարանից կոլեկտիվին խոստացել են, որ միջոցներ կծեռնարկվեն: Ծննդատունը 2020-ից հանձնված է եղել հավատարմագրային կառավարչին: 2022-ից կառավարիչն իր պարտավորությունները չի կատարել, եւ քաղաքապետարանը սկսել է պայմանագրի խզման գործընթաց: Այս քննարկումը 2024 թ. ապրիլի 29-ին: Ծննդատան կառավարումը 2024 թ. մայիսի 1-ից անցել է քաղաքապետարանին, հուլիսի 14-ին առողջապահության նախարարի հրամանով կասեցվել է գործունեությունը: 2 տարի է՝ կոլեկտիվը չի ստացել կես տարվա աշխատավարձերը, դիմել են դատարան, որը պարտավորեցրել է վճարել գույքը եւ վճարել գումարները, սակայն ԴԱՀԿ-ն քայլեր չի ձեռնարկել այդ ուղղությամբ: Քաղաքապետարանից ասել են, թե ԴԱՀԿ-ն պարտատերերի ցանկն է պահանջել եւ խոստացել, որ կվճարեն աշխատավարձերը: «Երեկ մեզ քաղաքապետարանից ասացին, որ ցուցակը դեռ չեն ստացել, խոսքը մոտ 180 մլն դրամ պարտքի մասին է: Թվում է, թե ԴԱՀԿ-ն է պատասխանատու, բայց, մյուս կողմից, քաղաքապետարանի կառավարման տակ է եղել ԲԿ-ն: Անհասկանալի թնջուկի մեջ ենք հայտնվել»,- ասաց Հայկանդուխտ Գրիգորյանը՝ հավելելով, որ քաղաքապետարանը միլիարդների պարգեավճարներ է բաժանում, բայց ընդամենը 180 մլն դրամ աշխատավարձը հրաժարվում է վճարել:



8 սարի շարունակ

Սա առաջին դեպքն է, երբ Նիկոլ Փաշինյանը վիրավորում է ՀՀ քաղաքացիներին, քաղաքական ուժերին կամ մասնագիտական խմբերին: Նա դատավորներին վնասացողներ էր ասում, դիվանագետներին՝ օտարի կոշիկ լիզողներ, ընդդիմությանն ասում է բոմժեր, լրագրողներին ֆայլաբազարում կանգնողների հետ է համեմատում, հոգեուրականներին՝ մանկապիղծ, իսկ կաթողիկոսին պիղծ է անվանում: Հիմա էլ ընդդիմադիր ուժերին ընտրողներին է «չուն ու շանգյալ» անվանում: Միևնույն ժամանակում ինքն ու իր թիմը մեղադրում էին ընդդիմադիրներին՝ ծաղրում, դատապարտում, թե իշխանական զանգվածին «զոմբի ու ժեխ» են անվանում: Այս վայրի, անհարգալից խոսույթը, իրականում, հենց իրենք են ներմուծել մեր կյանք: Եվ դա սկսվել է 2018 թվականին, երբ փորձում էին հասնել Սերժ Սարգսյանի հրաժարականին եւ ոչ մի բանի առաջ կանգ չէին առնում՝ հալածում ու վիրավորում էին հանրապետականներին, նրանց տան շենքերին դառաղներ էին դնում ու անունները սեւ ժապավենների մեջ առնում: Իսկ ինքը՝ Փաշինյանը, ԱԺ ամբիոնից սպառնում էր բաց տեքստով, ստիպում, որ իրեն՝ 7 տոկոսանոց խմբակցության ներկայացուցչին ձայն տան, քանի որ ժողովրդին ինքն է հանել փողոց եւ ինքն է հասել նախագահ Սարգսյանի հրաժարականին: Թվում էր, թե իշխանությունն ստանալով՝ Փաշինյանը կխաղաղվի, կփոխի իր լեքսիկոնը, կհասկանա, որ չի կարելի հանրությանը պառակտել, եւ կհորդորի իր էլեկտորատին՝ վերադառնալ բարեկրթության, փոխադարձ հարգանքի դաշտ, բայց նա 8 տարի շարունակ օգտվում է այդ գործիքակազմից՝ սպառնալով ասֆալտին փռել, պատերին ծեփել, «ընդդիմությանը շինել», կազբեթի պաղվալները գցել: Հիմա նույնը շարունակում է, որովհետեւ կարծում է, որ այդ խոսույթն իրեն 8 տարի հաջողություն է բերել, եւ դրանով է կարողացել իր մրցակիցներին զսպել: Վերջը բարին անի:



Պաշտպանության նախարարության մեր աղբյուրներից տեղեկացանք, որ առաջիկա ամիսներին 25-օրյա վարժական հավաքներն ավելի ինտենսիվ են կազմակերպվելու: Նախընտրական այս փուլում ծանուցագրեր են ստանալու քաղաքականապես ակտիվ բազմաթիվ երիտասարդներ: Ըստ որոշ լուրերի, զինկոմիսարիատներին մարզպետների, թաղապետների կողմից ցուցակներ են փոխանցվել՝ հատկապես ընդդիմադիր ուժերին հարող երիտասարդների անուններով, որպեսզի նրանց ծանուցագրեր ուղարկվեն, եւ վարժական հավաքների հրավիրվեն: Իմաստը հասկանալի է, որ հնարավորինս շատ ակտիվ մարդիկ կտրվեն նախընտրական գործընթացներից ու պայթարից:


ԵՎՐԱՄԻՈՒԹՅՈՒՆԸ ԹՈՂԵՐԸ ՉԻ ՏԱԼԻՍ

Ապրիլի 14-ին կայացավ ՀՀ ԱԳ նախարար Արարատ Միրզոյանի եւ Եվրոպական հանձնաժողովի փոխնախագահ, ԵՄ արտաքին գործերի ու անվտանգության քաղաքականության հարցերով բարձր ներկայացուցիչ Կայա Կալասի հանդիպումը: Մեր տեղեկություններով, Բրյուսել մեկնելուց առաջ Նիկոլ Փաշինյանն ԱԳ նախարարին հանձնարարել էր հստակեցնել այն գումարների փոխանցման ժամկետները, որոնք ԵՄ-ն խոստացել է տրամադրել Հայաստանին՝ խորհրդարանական ընտրություններից առաջ «սպատեղեկատվության եւ արտաքին ազդեցության դեմ պայքարի», այսինքն՝ իրենց իշխանության վերադարձում համար: Մեր աղբյուրն ասում է, որ Միրզոյանի հարցին ի պատասխան, Կայա Կալասը հայտարարել է, որ ֆինանսական օգնությունը Հայաստանին հետաձգվում է՝ Եվրամիության բյուջեում առաջացած դեֆիցիտի պատճառով: Եվ ընդգծել է, որ ԵՄ պարտավորությունների կատարման առաջնահերթությունը տվել են Ուկրաինային, այս պահին Հայաստանին չեն կարող աջակցել, սակայն «Բրյուսելը բոլոր ջանքերը կգործադրի՝ խնդիրը լուծելու համար»: Կալասից պատասխան ստանալով՝ Նիկոլ Փաշինյանը վրդովվել է եւ ասել. «Նրանք իսկապես չեն հասկանում, որ մեզ մոտ իրավիճակն օր-օրի վատանում է: Հիմա այդ փողերը մեզ ավելի շատ են պետք, քան՝ Ուկրաինային: Այդ 50 միլիոնն Ուկրաինային չի օգնի՝ շտկել իրավիճակը, իսկ մեզ շատ է անհրաժեշտ»:

Մեր տեղեկություններով, իշխանությունն ընդդիմադիրների շարքերում բազմաթիվ ականներ է ներդրել, որոնք պետք է մասնակցեն նախընտրական անցուդարձին՝ ոչ միայն ներսից ինֆորմացիոն արտահոսքեր ապահովելու, այլեւ քրեական գործընթացներում քաղաքական մրցակիցների դեմ գործելու, ցուցմունքներ տալու նպատակով: Իշխանական մեր աղբյուրներից պարզեցինք, որ իշխանությունը ներդրված գործակալներ ունի թե՛ Գազիկ Ծամուկյանի, թե՛ Ռոբերտ Զոչարյանի եւ հատկապես Սամվել Կարապետյանի թիմերում: Պատահական չէ, որ նախօրեին Արտաշատի կառույցից ձեռքարկված մեկ տասնյակից ավելի անձանց մոտ կեսը ցուցմունքներ է տվել իր կաշառք վերցնելու վերաբերյալ:



ԿԵԳՆԱԿԻ



Երեկ Սամվել դպիր Գրիգորյանը բաց և ամակով դիմել էր Գարեգին Բ-ին, գրելով. «Վեհափառ Տեր, աղերսում եմ պաշտոնից հեռացնել եւ կարգալուծ անել Երեւանի Ս. Գրիգոր Լուսավորիչ եկեղեցու տեսուչ Անուշավան Եպիսկոպոսին՝ հաշվի առնելով հետեւյալ հանգամանքները»: Եվ շարադրել էր 12 պատճառ, թե ինչու է հարկավոր տիրադավ եպիսկոպոսին կարգալուծ անել, որտեղ նշել էր պատարագի ժամանակ Ամենայն հայոց կաթողիկոսի անունը չնշելը, «բրիստոնյա մարդուն անվայել վարքագիծը», սարկավազներից մեկին ծեծի ենթարկելը եւ այլն: «Յրապարակը» գրուցել է Տեր Վրթանես քահանա Բաղայանի հետ:

- Տեր Յայր, քանի որ որոշ թեմերի առաջնորդներ անցել էին Փաշինյանի կողմը եւ Վեհափառի հեռացումն էին պահանջում, հետաքրքիր է՝ ինչպես են այդ թեմերում ծա-

նրանց վարքը միշտ է եղել բացասական: Յո պատահական չէ, որ Նիկոլ Փաշինյանը նրանց վրա է կոմպրոմատներ հավաքել: Տեղեկություններ կան, որ անգամ Անուշավան ժամկոչանին ասել է՝ բեզ խելոք պահիր, թե չէ եղ լցրած պռոշներով դրան կուղարկեմ բեզ... Դրա համար էլ նա Փաշինյանին ծառայություններ է մատուցում հիմա: Ասեմ Ձեզ, որ վերջերս նա անգամ իրեն թույլ է տվել մի հրաշալի սարկավազի ծեծի ենթարկել: Տեսնում եք, թե ուր ենք հասել, որ հոգեւորականը, շուրթեր լցնելուց բացի, նաեւ բռնություն է գործադրում: Ուղղակի խայտառակություն է: Յամացանցում մեկը մի լավ գրառում էր արել, ասել էր. «Շուրթերդ լցնելու փոխարեն ուղեղ լցնելու, որ սարկավազի վրա ձեռք չբարձրացնեսիր»: Ցավ եմ ապրում, որ եպիսկոպոսի կոչում ունեցող մարդը կարող է այդ աստիճան ցուցանուլ լինել, որ հոգեւոր գիտելիքներն ավելացնելու փոխա-

վիթ Մինասյաններին արեցին, եւ պնդեն, որ նա է ժամկոչանին հուսկից հանել: Անուշավան ժամկոչանն անձեռնմխելի է, նա այժմ Փաշինյանի աջակցությունն ունի: Բնական է, որ կայատույնի նա, ով չի աջակցում իշխանություններին: Անուշավանը մի դեպքում է ենթարկվելու պատասխանատվության, երբ Նիկոլը չվերարտադրվի անտեն ձեւերով:

- Ի դեպ՝ փաստորեն, Մայր Աթոռը, մասնավորապես՝ կաթողիկոսը, այնքան լիբերալ եւ ժամանակակից հայացքներ ունի, որ իր ձեռնամբ եպիսկոպոս դարձած հոգեւորականը կարող է նման կոսմետիկ միջամտությունների դիմել:

- Վեհափառն ինչքան է բաշել դրանց ձեռքին: Նա աննախադեպ երեւոյթ է մեր եկեղեցում, նրա նման երկրորդը չի եղել: Ցավալի է դա շատ, եւ անուշոք եմ վերաբերվում նրան, բայց դե՛ ինչ արած, ժամանակները փոխվում են, ամեն դեպքում, մարդ ծեծելն ավելի վատ բան

ՈՒՐ ԵՆՔ ՆԱՍԵԼ, ՈՐ ՆՈԳԵՎՈՐԱԿԱՆԸ ՇՈՒՐԹԵՐ ԼՅՆԵԼՈՒՑ ԲԱՅԻ ՆԱԵՎ ԲՈՆՈՒԹՅՈՒՆ Ե ԳՈՐԾԱԳՐՈՒՄ

նայություն իրականացնող հոգեւորականներն այժմ կարողանում աշխատել Մայր Աթոռի եւ թեմի առաջնորդի հետ, իրենց ծառայությունն իրականացնել: Չ՞է որ թեմերը պետք է փոխհարաբերություններ ունենան Էջմիածնի հետ, ինչպես են կարգավորվում աշխատանքային հարաբերությունները:

- Ծանր է տիրադավների ենթակայության տակ գտնվող քահանաների վիճակը, շատ ծանր է: Նախկինում էլ է ծանր եղել նրանց հետ աշխատելը, քանի որ նրանք (թեմերի առաջնորդները՝ Յ. Գ.) երբեք չեն փայլել իրենց վարքով, հոգեւոր ծառայություններով,

րեն դեմքը կոսմետիկ փոփոխությունների ենթարկելու մասին մտածի բացառապես, շուրթեր լցնի, բոտոքս անի եւ այդքանից հետո Գեղամ սարկավազի նման բարեշնորհ տեսակի վրա ձեռք բարձրացնի անամոթաբար:

- Իսկ սարկավազը չի դիմել իրավապահներին:

- Եթե նա չունենար իրավապահների անմիջական աջակցությունը, իրեն նման բան իրավունք չէր վերապահի: Նա խուլիգանի նման է իրեն պահել, եւ դա ուղղորդված է եղել հենց իրավապահների կողմից: Գուցե առաջիկայում հենց սարկավազին ձեռքբալվեն, ինչպես Միքայել եւ Դա-

Է, քան շուրթ լցնելը: Անկախ նրանից, թե նա ինչը կլցնի, եւ իմ աջակցությունն եմ հայտնում ծեծի ենթարկված սարկավազին, եթե անգամ Անուշավանի փոխարեն այլ մեկը լիներ, այդ պարագայում եւս եւ դատապարտելու էի արարքը, թեպետ վստահ եմ, որ նա իշխանությունների կողմից պարզեւտրման է արժանանալու այդ քայլի համար:

- Իսկ ինչպես են տիրադավները հաղորդակցվում Մայր Աթոռի հետ:

- Մայր Աթոռը նրանց վերաբերվում է հանդուրժողաբար, բայց իրենք իրենց լկտիաբար են դրսևորում: Նրանց պահվածքը կոռեկտ չէ:

Ռոման Սլոյանը, որ մեծ հարգանք ունի համայնքում, Փաշինյանի այցի օրը չզննաց

Ապրիլի 15-ին Նիկոլ Փաշինյանը ոչ միայն շնորհավորել էր եզրիական համայնքին նոր տարվա՝ Մալաթ Թաուսի տոնի առիթով, այլև այցելել էր Ալազյազ համայնք, ներկա գտնվել միջոցառմանը: «Յրապարակ»-ը հետաքրքրվեց եզրի համայնքի ներկայացուցիչ Ռուստամ Յախոյանից՝ արդյո՞ք այդ այցը, իրենց տունը շնորհավորելը դերակատարում են ունենալու, եւ ՅՅ քաղաքացի հանդիսացող եզրիական համայնքն առաջիկա ընտրություններում ընտրելու է Նիկոլ Փաշինյանին: Նա նշեց, որ այն մարդկանց, ովքեր փոշմանել են, որ նախորդ անգամ Փաշինյանին են ընտրել, չեն կարողանա համոզել. «Կուզեն, թող ամբողջ օրը գան՝ բարոզարշավ անեն, ասեն՝ էսպես կանենք, էսպես կանենք, մարդիկ ոնց տրամադրված են, էդպես էլ անելու են, ոչ մեկի վրա նման այցերով չեն կարողանա ազդել: Ընտրողը կընտրի, ընտրողը չի ընտրի: Զարոգարշավը ցուցադրական բան է, որ ժողովրդին իրար դեմ է հանում: Մեր գյուղում ժողովուրդը 4-5 մասի է բաժանված: Նայում ես՝ արդեն առաջվա սերն ու միությունը չկա: Փաշինյանին դիմավորելու գնացել էի, որովհետեւ հետաքրքիր էր ուղղակի, մինչեւ վերջ չեմ էլ մնացել, վաղը որ Սամվել Կարապետյանը գա, իր կողքն եմ կանգնելու, մյուս օրը որ այլ թեկնածու գա, իր կողքն եմ կանգնելու, էդ չի նշանակում, որ աջակցում եմ բոլորին, էդ նշանակում է, որ լսում եմ թեկնածուներին»: Նրա խոսքով, Փաշինյանի այցը համայնք այլ ենթատեքստ ուներ: «Մի եզրի կին մոտեցավ, լավ ասեց՝ որ ինչի ես 8 տարվա մեջ մի օր համայնք չեկամ ու հենց ընտրություններից առաջ է գալիս: Ինքն էլ ասեց, թե հրավիրող չկար, իսկ ես անգամ Ռուստամ Բաթյանն է հրավիրել՝ իր հորդորով»: Անդրադառնալով հարցին, թե ինչ շանսեր ունի Փաշինյանը եզրիական համայնքում, Յախոյանը նշեց, որ եզրի ազգն իր ընտրությունը, իհարկե, քվեարկության օրը կհայտնի, բայց այն արտաքին քաղաքականությունը, որ վարում են իշխանությունները, մեղմ ասած, իրենց սրտով չէ: «Մեր մեծ բարերար Միրզա Սլոյանը, որ վերջերս մահացավ, իր որդին՝ Ռոման Սլոյանը, մեծ հարգանք ունի համայնքում, ինքը Փաշինյանի այցի օրը չզննաց ու չկանգնեց հավաքվածների շարքում: Սրանից շատ բան կարելի է ենթադրել»:

Արմինե ՆԱԿՈՅԱՆ

ՆՐԱՆՔ ՎԵՐՋԱՅԱԾ ՄԱՐԴԻԿ ԵՆ՝ ՎԵՐՋԻՆ ԾԱՌԱՅՈՒԹՅՈՒՆՆԵՐՆ ԵՆ ՄԱՏՈՒՑՈՒՄ ՓԱՇԻՆՅԱՆԻՆ



«Յրապարակի» գրուցակիցը «Նժար» կուսակցության վարչապետի թեկնածու, իրավապաշտպան Նինա Կարապետյանն է:

- «Զաղիասարակության» կարկառուն ներկայացուցիչներից մեկը՝ Յելսինյան քաղաքացիական ասամբլեայի Վանաձորի գրասենյակի ղեկավար Արթուր Սաթուրյանը, նախօրեին փորձել է ծառայություն մատուցել գործող իշխանություններին եւ արտահայտվել է ընտրակաշառքի թեմայով՝ անդրադառնալով իշխանությունների կողմից «Ուժեղ Յաստանի» նկատմամբ հարուցված կեղծ քրեական վարույթներին, որոնցով անգամ ԶՊ-ին ենթակա դատարանները չեն կարողանում կալանքի սանկցիաներ տալ: Նա մասնավորապես գրել է, որ ընդդիմությունը կանանց առաջ է մղում, թաքնվում նրանց հետեւում: Ոչ ավել, ոչ պակաս՝ հայկական ընդդիմությանը համեմատել է

շիհադիստների ու իսլամական ծայրահեղականների հետ, որոնք կանանց ու երեխաներին օգտագործում էին որպես «մեկանգամյա օգտագործման նյութ»: Մի կողմից, այս անձը մոռացել է, որ 18-ի հեղափոխության ժամանակ անգամ դպրոցների կրտսեր դասարանների աշակերտներն էին մասնակցում, մյուս կողմից՝ կարծում է, որ կանայք չպետք է ներգրավված լինեն ընտրություններին, հատկապես՝ ընդդիմության կողմից: Այսինքն, կանայք չպետք է զբաղվեն քաղաքականությամբ: Երկար տարիներ մարդու իրավունքների եւ հիմնարար ազատությունների համար իբրեւ թե պայքարող այս մարդու համար կինը բացառապես լվացք անելու եւ բորջջ պատրաստելու իրավունք ունի: Ի՞նչ կարծիք ունեք նրա այդ հայտարարության մասին:

- Ես դադարել եմ հետեւել նրանց գրառումներին, որովհետեւ հասկացել եմ, որ առողջությունս այլևս չի ներում: Չեմ ասի՝ բոլոր-

ը, բայց մեծ թվով մարդիկ, ովքեր առաջներում օբյեկտիվ էին, շատ վաղուց դադարել են լինել այդպիսին: Ակնհայտորեն ընդգծված փաղաքշակ վերաբերմունք ունեն օրվա իշխանությունների նկատմամբ եւ պատրաստ են արդարացնել ամեն բան, ինչ անում է օրվա իշխանությունը: Պետք է պարզապես դադարել հետեւել այդ մարդկանց, պետք է այլ մոտեցում որդեգրել: Այժմ ձեւավորվում է թիմ, որն առանց լրացուցիչ շահառուների կարող է կոչվել քաղաքասարակություն: Նրանք հիմնականում երիտասարդներ են, ովքեր առանց ֆինանսավորումների ունեն մեծ աուդիտորիա եւ վստահություն՝ հանրության շրջանում: Ուրախ եմ, որ տեղի է ունենում սերնդափոխություն, քանի որ մեզ պետք չէ այնպիսի քաղաքասարակություն, որն իր հռչակած ստանդարտներին դեմ է գործում:

- Բայց ինչպես կարելի է կանանց ստորադասել տղամարդկանցից, միթե Սաթուրյանը

դրա համար է գրանտներ ստանում Արեւմուտքից:

- Մարդիկ, ովքեր սկզբունքորեն չեն ուզում տեսնել, որ մեր երկրում կան քաղաքական ուժեր՝ կին թե տղամարդ, ովքեր թրաֆիկինգի գոհեր են, էլ ի՞նչ ասես: Թվում էր, թե նրանք նախկինում աղեկվատ վարքագիծ ունեն եւ սրտիկ ուղարկողներ չեն, այժմ իշխանությունների վարքագծում ոչ մի սխալ չեն տեսնում, փոխարենը տեսնում են հակառակ թեւում գտնվող մարդկանց թերացումները: Այս մարդկանց ուղղակի պետք է իզնոր անել եւ դադարել հետեւել նրանց: Նրանք կան այնքան ժամանակ, քանի դեռ մենք նրանց կարեւորություն ու նշանակություն ենք տալիս, հենց հասկացան, որ իրենք ոչ մեկին պետք չեն, չունեն հետեւորդներ, ուղղակի կլնեն: Նրանք վերջացած մարդիկ են, վերջացել են, վերջին շնչում են եւ իրենց վերջին ծառայություններն են մատուցում Նիկոլ Փաշինյանին:

ԲՊ-ականները՝ վարչապետից մինչև մանկապարտեզի դաստիարակ, ամբողջ երկրով մեկ անթաթույց և անխնայ քարոզչությամբ են զբաղված, իսկ այլ կուսակցությունների անդամներին նույնիսկ թույլ չեն տալիս իրենց կուսակցության և անդամների անունով մտնել ազատում են աշխատանքից, դա համարելով քարոզչական գործունեության զբաղվել: Արդեն հայտնել ենք, որ Ծառուկյանի շտաբ գնալու համար Արարատ գյուղի Վազգեն Սարգսյանի անվան թիվ 1 միջնակարգ դպրոցի աշխարհագրության եւ ռազմագիտության ուսուցիչ Արտակ Մնացականյանին հորդորել են ազատման դիմում գրել այն բանից հետո, երբ նրան ևկարել են «Առաջարկ Դրաստանին» ուժի ևսխնտրական շտաբ մտնելիս:

Թե ինչ զարգացումներ են եղել դրանից հետո, տեղեկացանք Արարատի բնակիչներից, որոնցից շատերը համակրում են ուսուցչին: Մնացականյանի ընկերները պատմում են, որ նա դպրոցում քարոզչություն չի արել,

է եղել «Առաջարկ Դրաստանին» ուժի ժողովին, հաջորդ՝ ուրբաթ օրը, գնացել է ԲԻԿ գրասենյակ, ԶՊ-ի «Հայրենները» բռնազրույց են զինվորականին, նկարել, սարքել մատի փաթաթան, մարդուն ստիպել են, որ կան զեկուցագիր գրի, կան դուրս գա դպրոցից: Ես էլ ևսխնտրել է և ազատման դիմում գրել: Մի դիմում ուրբաթ օրն է գրել, մյուսը՝ երկուշաբթի:

Ասում են՝ «Զինղեկ» օպերացիային մասնակցել են եւ մարզպետը, եւ դպրոցի տնօրենը:

Վերջին՝ կոշտ խոսակցությունը եղել է տնօրեն Մակիջ Փանոսյանի կաբինետում: Ես Արտակ Մնացականյանին ասել է. «Դուրս արի սենյակիցս, վերջ, դու հեռացված ես»:

Յետաբերբիր է, որ դպրոցի տնօրեն Մակիջ Փանոսյանը ԲԻԿ անդամ է, բայց ասում են՝ արդեն «լողացող» անդամ է, ԶՊ-ականների հետ կիրակի օրերին եկեղեցի է գնում եւ այլ: **Մակիջ Փանոսյանը** «Հրապարակի» հետ զրույցում հրաժարվել է խոսել միջադեպի մասին: Միայն ասաց. «Դպրոցում աշխատանքային ժամերին քարոզչություն իրականացնելն օրենքով է արգելվում, ես ինչ պետք է ասեմ ճիշտ է կամ սխալ»:

ԵՐԹ ԿԱՌԱՎԱՐՈՒԹՅԱՆ ԴՆՏ, ՊԵՏԱԿԱՆ ՏԵՂ ՊԵՏՔ Ե ԶԱՇԽԱՏԵՆ

հարցը զուտ քաղաքական է: ԲԻԿ-ական ուսուցչի հետեւից վաղուց են ընկած եղել: Դպրոցի կոլեկտիվում այլ ընդդիմադիրներ էլ կան, բայց ԶՊ-ականներին հատկապես զինղեկ Մնացականյանն է «խանգարել», քանի որ նա նոր է ընդդիմադիր դարձել: Ես ինչպես եղել է զինվորական ու չի զբաղվել քաղաքականությամբ: Մոտ երկու ամիս նրան հետեւել են իսկական շպիոնաժի կանոններով ու վերջապես «կեղտ» են գտել: Անցած հինգշաբթի Արտակ Մնացականյանը հրավիրված

րոզչություն իրականացնելն օրենքով է արգելվում, ես ինչ պետք է ասեմ ճիշտ է կամ սխալ»:

Ստաբ գնալը համարվում է քարոզչություն: «Դա թող իբև սաի»,- ասաց տնօրենը: Արարատի մարզպետ **Սեդրակ Թեւոնյանի** հետ հետաքերբիր զրույց ստացվել է խոստովանություններով լի, թեեւ սկզբում պնդում էր, թե քաղաքական տեղյակ չէ ուսուցչի ազատումից:

- **Նրան ազատել են ԲԻԿ-ական լինելու համար:**

- Ես տեղյակ չեմ, սկի չեմ էլ ճանաչում ում մասին է խոսքը: Բայց բացառում եմ, որ անտեղի բան արած լինեն:

- **Նա ասում է, որ դպրոցում քարոզչություն չի արել, ընդամենը իր կուսակցության շտաբ է այցելել:**

- Եթե համաձայն չեն կառավարության հետ, կարծում եմ, պետական մի որեւիցե տեղ պետք է չաշխատեն ու չզբաղեցնեն որեւիցե պաշտոն: Չանգեք տնօրենին, հարցրեք:

- **Ձեր դպրոցներում այլ կուսակցությունների անդամակցելու համար ազատում են աշխատանքից:**

- Ես տեղեւ քաներով չեմ զբաղվում, գոյություն ունի կրթության վարչություն, դպրոցի տնօրեն, իրենք են զբաղվում նման հարցերով:

- **Մարզպետին չի ենթարկվում աշխատակազմը, կրթության վարչությունը: Դուք չեք ղեկավարում այդ վարչությունը:**

- Յավդ տանեմ, ինչ է հետաքերբիր: Որեւիցե մեկը դպրոցում որեւիցե շաբթ, մի հատ հանգամանք, որ մենք նկատեցինք՝ քաղաքական բաներ է անում, մի

կանյանի անունը, սարսափահար անշատեց հեռախոսը, ասելով. «Կարծիք չունեմ, հաջողություն»:

Արարատի բնակիչները մարզպետին այնքան էլ չեն մեղադրում: «Մարզպետը շատ լավ տղա է, բայց ԶՊ-ական է»,- ասում են նրանք: Համայնքապետի մասին էլ ասում են՝ նա ինչ կարա անի: «Ես օր եր համայնքապետեր, վարչական ղեկավարներն ենք անսխալուն կառույցներ են: Իրանք Նիկոլի քարտեզը հազիվ դրչներին խփած ման են գալիս: Ես, որ մեր բակի Զրանտը, որ ախրանիկի ռացիան է կացնում, ման գալիս, ասում են՝ ես ինչ թիթեռ ա նստել ձեր դրչին, հիմա սրանք են: Չնայած, ավելի լավ էր՝ թիթեռ խփեին դրչներին, քան մեր հայրենիքը պղծեին»,- այսպիսի արարատցիներ էլ կան, որոնք իրենց անունով չեն խոսում:

Արտակ Մնացականյանը «Հրապարակի» հետ զրույցում ասաց, որ ի պաշտոնե մինչեւ 16:00-ն պետք է լինի դպրոցում, ինքը միշտ ժամը 4-ից հետո է գնացել շտաբ: «Մի անգամ եմ ընդամենը մինչեւ չորսը գնացել, տնօրենին էլ

ՑԱՆԿ



Սյուզան Սիմոնյան
syuzan.simonyan
@hraparak.am

րոպե չի մնալու դպրոցում:

- **Բայց «քաղաքական բանը» որն է: Ինչն են ասել՝ դիմում գրի, գնա:**

- Ձեր կարծիքով, ինչ որ տեղի է ունեցել, տեղեւ պատահական մարդուն ասել են՝ բան արա: Ինչոքում եմ, տնօրենի հետ: Ինչ որ տեղի է ունենում, ձեզ ոչ մի բան չի հետաքերբում, ես գապիսները, մի հոգի դուրս է եկել, դա է մենակ հետաքերբում:

Խոսեցինք ևսեւ Արարատի վարչական ղեկավար **Էլեն Գասպարյանի** հետ, որը, լսելով Արտակ Մնացա-

ասել եմ, դա սարքել են բոլորա: Ինձ չեն խնդրել դիմում գրել, բայց ոչ պաշտոնական խողովակով տեղյակ են պահել, որ հեռանամ: Ասաց, որ շատ ակտիվ է, շատ հայրենասեր, երբեք չի վախեցել երեխաներին ասել՝ Մասիսը մերն է, Արագածի ցավն էլ տանեմ: Ինչով է զբաղվելու՝ դեռ չգիտի: Երագում է, որ հունիսի 8-ից հետո զարթնեք նոր Հայաստանում, բայց քաղաքականության մասին չի զբաղվել դպրոցում, բարձր դասարանցիներին էլ ասել է՝ ինձ քաղաքական հարցեր չտաք:

Վ աղը՝ ապրիլի 19-ին, մեծ ավտոտերթով նշվելու է Զյուսիս-Հարավ ավտոճանապարհի Աշտարակ-Գյումրի հատվածի բացումը: Օրեր առաջ Նիկոլ Փաշինյանը ֆեյսբուքյան կոչով հրավիրել էր մարդկանց՝ մասնակցել այդ միջոցառմանը. «Մասնակցության համար կարող եք գրանցվել ստորեւ բերվող QR կոդի միջոցով: Մասնակցության համար, բնականաբար, պետք է ներկայանալ ավտոմեքենայով, բայց, իհարկե, մեքենայի մեջ կարող են լինել ուղեւորներ: Ավելին՝ անհրաժեշտ է առնվազն մեկ ուղեւոր՝ ուղղորդող կարգավիճակով, որովհետեւ երթը կարգավորվելու է իմ ֆեյսբուքյան այս էջի ուղիղ եթերում, եւ վարորդի կողքի նստատեղին պետք է նստած լինի ուղղորդողը, որպեսզի հետեւի եթերին եւ տեղեկատվություն փոխանցի վարորդին: Երթի մասնակից համարվելու են միայն գրանցված ավտոմեքենաները: Ծառայողական ավտոմեքենաների մասնակցությունը երթին արգելվում է, բացի պետական պահպանության ներքո գտնվող անձանց սպասարկող մեքենաներից: Մեկնարկի տեղի եւ ժամի մասին գրանցված վարորդներին կտեղեկացնենք հեռախոսագրով: Իսկ պլանը հետեւյալն է. գնում ենք Գյումրի, այցելում ենք թանգարաններ, եկեղեցիներ, սրճարաններ, ռեստորաններ, զբոսնում ենք Գյումրիում, շփվում ենք»:

2017-ին ՊԵՏՔ Ե ԱՎԱՐՏՎԱԾ ԼԻՆԵՐ, ՍԱԿԱՅՆ ԴԵՌ 7 ՏԱՐԻ ԷԼ ԿՊԱՎԱՆԵՉՎԻ

կան ավտոմեքենաներով մասնակցել ավտոտերթին, հրահանգ է իջեցվել մարզպետներին, յուրային գործարարներին, որ իրենց հիմնարկների աշխատողներին, մարզի բնակիչներին հավաքագրեն եւ հուժկու ավտոտերթ կազմակերպեն: Վերջում՝ Գյումրու Վարդանանց հրապարակում տեղի է ունենալու համերգ, որտեղ ելույթ է ունենալու ևսեւ «Վարչաբեկը»:

Նիկոլ Փաշինյանը, ըստ ամենայնի, որոշել է մեծ շուքով նշել Զյուսիս-Հարավ բազմաշաբաթ ճանապարհի Աշտարակ-Գյումրի հատվածի բացումը՝ այն ներկայացնելով որպես իր իշխանության դարակազմիկ ձեռքբերում: Այնինչ նա ընդամենը շարունակում է 2009-ից մեկնարկած այս ծրագիրը, որն իրականացվում է վարկային միջոցների հաշվին:

Զյուսիս-Հարավ ծրագրի իրականացման գրասենյակի առաջին ղեկավար **Ֆելիքս Փիրումյանը** մեզ հետ զրույցում հիշեցնում է, որ ի սկզբանե ծրագրի իրականացման հետեւյալ սխեման էր գծվել. այն պետք է կառուցվեր հարավից՝ Սյունիքից, որն ամենաժամանակատար ու ծախսատար հատվածն էր՝ թունելների եւ կամուրջների առկայության պատճառով: Միայն վերջում պետք է հասնեին Աշտարակ-Գյումրի հատվածին, սակայն դեռ նախկին իշխանությունները փոխել են հերթականությունը՝ սկսել են ոչ թե հարավից, այլ հյուսիսից՝ Երեւան-Աշտարակ հատվածից, որի կառուցումն ավելի հեշտ էր, ավելի մատչելի է ավելի արագ

իրականացվող: «Այն ժամանակ նախատեսվում էր, որ մինչեւ 2017 թվականը ամբողջ ճանապարհը պետք է կառուցված լիներ, բայց երբ մենք չսկսեցինք Սյունիքի հատվածից, ի սկզբանե ակնհայտ էր, որ 2017 թվի դառնում էր մի՛ջ: Փաստացի, այդպես էլ ստացվեց: Դիմա 2026 թվականն է, բայց մենք դեռ խոսում ենք, թե երբ պետք է սկսվի ամենածանր հատվածը: Դիմա որ Մեղրիից դեպի Զաջարան ճանապարհ են կառուցում, երկու անգամ թեթեւ ճանապարհ է, քան ինչ նախատեսված է այս ծրագրով՝ Զաջարան-Սիսիան հատվածով կառուցվելիք ճանապարհը: Փոխարենն ամենահեշտը Երեւան-Աշտարակ հատվածն էր, որտեղից էլ սկսեցին աշխատանքները»:

Թե ինչու փոխվեց սխեման, Փիրումյանը հետո է հասկացել պատճառները. «Հաշվի առնելով, որ դեռես այն ժամանակ գլուխ ջարդելով ուզում էին այս ծրագիրը շուտ սկսել, բայց քանի որ, բացի այդ հատվածից, մյուս բոլոր հատվածներում աշխատանքները սկսելուց առաջ առաջանում էր հողերի օտարման խնդիր, որը պահանջում էր շատ լուրջ ժամանակ, տարիներ՝ գուցե, ուստի նախընտրեցին սկսել Երեւան-Աշտարակ ճանապարհից, որը միակ հատվածն էր, որ հողի օտարման անհրաժեշտություն չէր առաջացնում, իսկ մեր իշխանավորներն ինչ էին ուզում՝ առաջին հերթին շուտ սկսել ծախսել ծրագրի փողը, դրա համար իրենց ձեռք տվեց առաջին հատվածն այդ կետից սկսել»:

Այսինքն, հնարավորինս շուտ եւ շատ փող ծախսելու համար սկսեցին. «Հա, դուք մոտավորապես ճիշտ ասացիք»: Ի դեպ, Փիրումյանը, որ ծրագրի հաստատումից մեկ տարի անց՝ 2010-ի մայիսին է նշանակվել գրասենյակի ղեկավար, հասկանալով, որ իր կոնցեպցիան չի ընդունվում, ամիսներ անց հրաժարվել է պաշտոնից:

Նիկոլ Փաշինյանի՝ իշխանության գալուց հետո հայտարարություններ արվեցին, թե շարժվելու են ծրագրի հին տրամաբանությամբ՝ աշխատանքները սկսելու են Սյունիքից, սակայն նախկինների պես նրանք էլ նախընտրեցին փող աշխատելու հեշտ ճանապարհը եւ վաղը Աշտարակ-Գյումրի ճանապարհի բացումն են անելու, ինչպես նախկին վարչապետներն էին ոգեւորված բացում ճանապարհի իրենց կառուցած հատվածները: «Ծրագրում այս հատվածը՝ Աշտարակ-Գյումրին, վերջին փուլն էր լինելու, այս իշխանություններն էլ, փաստորեն, չցանկացան փոխել եւ գնացին հեշտ ճանապարհով»,- նկատեց Փիրումյանը: Թե որքան ժամանակ կպահանջվի Սյունիքի հատվածում Զյուսիս-Հարավի կառուցման համար, մեր զրուցակիցը հստակ ժամկետներ չի կարող մատնանշել. «Ես կարող եմ տրամաբանության սկզբունքով հաշվարկել, որ եթե 2010-ից պետք է մեկնարկեիք ու 2017-ին հասցնեիք, զուգահեռ մյուս հատվածներն էլ սկսեիք եւ կարճ ժամկետներում ավարտեիք, ապա առնվազն 7 տարի կպահանջվի ծրագրի ավարտելու համար»:



Լուսինե Շահվերդյան
lusine.shahverdyan@hraparak.am

ԱՄՏՅԱՆ

2025թ. օգոստոսի 18-ին վարչապետ Նիկոլ Փաշինյանն իր տեսաուղերձում Հայաստանում եւ Ադրբեջանում հակամարտության մեկնարկից ի վեր փախստական դարձած անձանց վերամարել եւ վտանգավոր, Հայաստանի եւ Ադրբեջանի միջեւ հաստատված խաղաղությանը վնասող գործոն եւ հավելել. «Ղարաբաղից տեղա-

նության եւ միջազգային աջակցությամբ տնավորվել ՀՀ-ում: Այդ գործընթացը դիտարկենք Տավուշի մարզի օրինակով: Տավուշի մարզպետարանից տեղեկացել եմ, որ 2023թ. աշնանը Արցախից բռնազաղթածներից Տավուշում բնակություն եւ հաստատել 2 հազար 970 անձ (780 ընտանիք): 2025թ. սկզբին Տավուշի մարզպետ Հայկ Ղալումյանին հարցում եմ արել այդ ժամանակ Տավուշում բնակվող արցախցիների թվի վերաբերյալ: Մարզպետարանից պատասխանել են. «ՀՀ Տավուշի մարզում 2025 թվականի հունվարի 8-ի դրությամբ կա ԼՂ-ից բռնի տեղահանված 564 ընտանիք (1920 անձ)»: 2024թ. դեկտեմբերին մարզպետարան հարցում էի կատարել նաեւ Տավուշում արցախցիների աշխատանք ունենալու վերաբերյալ: Այն ժամանակ մարզպետարանից հայտնել էին, որ Տավուշում բնակվող, բռնազաղթած արցախցիներից աշխատանք ունի ընդամենը 36-ը: 2024թ. դեկտեմբերի դրությամբ Արցախից բռնազաղթածներից ոչ մեկը Տավուշում սեփականության իրա-

Ղարաբաղից տեղահանված 1860 անձ (527 ընտանիք): Պետական բնակարանային ապահովման ծրագրով բնակարան ձեռք բերած ընտանիքների վերաբերյալ տեղեկատվություն ստանալու համար առաջարկում ենք դիմել պետական լիազոր մարմին»: Մարզպետ Ղալումյանը չի հայտնել, թե որն է այդ խնդրով պետական լիազոր մարմինը: Տավուշի մարզպետն ու մարզպետի աշխատակազմն իրենց ոչ արդյունավետ աշխատանքի համար պետքույզեցի միլիոնավոր դրամների պարգեւավճարներ են ստանում, սակայն մարզպետը չգիտի կամ չի ցանկացել հայտնել, թե քանի բռնազաղթած արցախցի ընտանիք է Տավուշում բնակարանային ապահովման ծրագրով բնակարան ձեռք բերել:

Վոր Զարուհի Բաթոյանի հարցին՝ Ն.Փաշինյանը հայտարարել է. «Նույն Ղարաբաղի շարժման հետ կապված՝ մենք չպետք է ասենք, որ Հայաստանի եւ Ղարաբաղի էլիտան Ղարաբաղի ժողովրդին Ղարաբաղում պահել է պատանդի կարգավիճակում, այսինքն՝ մարդկանց պահել 30 տարի անորոշությունների մեջ. դուք հասկանում եք՝ դա ինչ է նշանակում՝ չստեղծելով սորմալ կրթական համակարգ: Ինչի իրենք Ղարաբաղին լրջոր են վերաբերվել, ո՞չ, լուրջ չեն վերաբերվել»:

Հիմա նույն հարցը վերադարձնենք իրեն՝ իսկ Նիկոլ Փաշինյանն ինչպե՞ս է վերաբերվում արցախցիներին. մետրոյում լեզվակռիվ է անում արցախցի զոհված հերոսի աղջկա հետ, արցախցիներին անվանում է փախածներ, մեկ օր հետո կրկնում է իր միտքը՝ դասալիքներ, փախածներ անվանելով բոլոր արցախցիներին: Նա պարբերաբար ատելության խոսք է հնչեցնում արցախցիների հասցեին, ինչն արագ տարածվում է ընդօրինակվում է իր թիմի ու իր համակիրների կողմից:

Եվ բնական է, որ Արցախի հայաթափումից, 2023թ. սեպտեմբերից հետո Հայաստանում հանգրվանած շատ արցախցիներ պետք է հեռանալին Հայաստանից: Միայն Տավուշում հաստատված 1 110 արցախցի է (253 ընտանիք) հեռացել Հայաստանից: Ահա, այսպես է իշխանությունը «տնավորում» այդ նույն իշխանության մեղքով հայրենիք, հարազատներ, տուն, ապրուստ, հարգազանցների գերեզմանները կորցրած ու հարկադրաբար Հայաստանում բնակություն հաստատած արցախցիներին, որ նրանք, բնակարան ու աշխատանք չունենալով, հեռանում են երկրից:



ՄԻԱՅՆ ՏԱՎՈՒՇԻՑ ԵՐԿՈՒ ՏԱՐՈՒՄ 1100 ԱՐՑԱԽՑԻ Ե ՆՇՈՒՑՆԵԼ

հանված մեր հայրենակիցների ապագայի մասին մեր պատկերացումը հետեւյալն է. նրանք մեր եւ միջազգային հանրության աջակցությամբ պետք է տնավորվեն Հայաստանի Հանրապետությունում եւ այստեղ ապրեն, ստեղծագործեն, հաստատվեն՝ որպես Հայաստանի Հանրապետության լիարժեք քաղաքացիներ»:

Արցախի հայաթափումից անցել է 2 տարի 7 ամիս, եկեք տեսնենք, թե Արցախից բռնազաղթածներն ինչպես են Հայաստանի իշխա-

վունքով բնակարաններ չէր գնել: 2026թ. ապրիլի 6-ին մարզպետ Հ. Ղալումյանին տեղեկատվական նոր հարցում եմ արել. «Ապրիլի 6-ի դրությամբ Տավուշի մարզում Արցախից բռնազաղթած քանի անձ է բնակվում, քանի ընտանիք, նրանցից քանիսն է պետական բնակարանային ապահովման ծրագրով բնակարան ձեռք բերել մարզում, որ համայնքներում քանի բնակարան»: Մարզպետի աշխատակազմից պատասխանել են. «ՀՀ Տավուշի մարզում բնակվում է Լեռնային

Արցախ՝ պատերազմին մասնակցելու ջնջված Հայկ Ղալումյանն այժմ, իր սանիկ Նիկոլ Փաշինյանի նման, վախենում է «Արցախ» բառն օգտագործել, փոխարենը նշում է՝ Լեռնային Ղարաբաղ: Նախկինում Տավուշի մարզպետարանից տեղեկացել էի, որ ընդամենը արցախցի 10 ընտանիք է պետական բնակարանային ապահովման ծրագրով բնակարան ձեռք բերել Տավուշի Նոյեմբերյան եւ Իջեւան համայնքներում:

2025թ. մարտի 25-ին ԱԺ-ում պատասխանալով պատգամա-

Ոսկան ՍԱՐԳՍՅԱՆ

ԻՆՉՈ՞Ւ ԵՆ ՎԻՐԱՎԱՏԱՐԱՆՆԵՐՈՒՄ ՏԵՍԱԽՑԻԿՆԵՐ ՏԵՂԱԳՐԵԼ. Ի՞ՆՉ Ե ԿԱՏԱՐՎՈՒՄ ԲԿ-ՈՒՄ



«Հրապարակ»-ն «Եջմիածին» բժշկական կենտրոնից ահազանգ է ստացել, որ 3 ամիս առաջ տնօրենի ժամանակավոր պաշտոնակատար նշանակված Հովհաննես Արմենի Օհանյանը վիրահատարաններում տեսախցիկներ է տեղադրել եւ, իր կաբինետում նստած, հետեւում է կլինիկայի անցուղարձին: Ցանկացած պահի նրա կաբինետ կարող են մտնել բժիշկներ կամ այլ անձինք եւ տեսնել, թե վիրահատարաններում ինչ է կատարվում: Սա, աշխատակիցների կարծիքով, մարդու իրավունքների ոտնահարում է, անձնական կյանքի զաղտնիության խախտում:

Բացի դրանից, մեզ դիմած քաղաքացիները պնդում են, որ տնօ-

րենի ԺՂ-ն անհիմն պատճառներով հին աշխատակիցներին ստիպում է աշխատանքից ազատման դիմումներ գրել եւ նշանակում է յուրաքանչյուրին, որոնք չունեն համապատասխան փորձ եւ պատրաստվածություն: Դրանով փորձում է իր դիրքերն ամրապնդել ԲԿ-ում: Նա արդեն հեռացրել է Վաղարշապատի պոլիկլինիկայի փոխտնօրեն Լիլիթ Գասպարյանին, վիրաբույժ Արմեն Վարդանյանին, նյարդաբան ժաննա Հայրիյանին եւ Էլի մի քանիսին՝ տարբեր բաժիններից: Աշխատակիցները նաեւ պատմում են, որ նա այցեր է կատարում բաժանմունքներ եւ հիվանդասենյակներ՝ որպես համայց, առանց բժշկական խալաթի կամ համազգեստի, ինչը հակասում է անվտանգության եւ հիգիենայի կանոններին եւ նաեւ բժշկական էթիկայի խախտում է: Հիմա էլ խոսակցություններ կան, որ օպերացիոն բաժնի ավագ բուժքույր Ֆլորա Միքայելյանին ուզում է փոխարինել համապատասխան որակավորում չունեցող իր համախոհներից մեկով:

«Հրապարակ»-ի հետ զրույցում Հովհաննես Օհանյանը նշեց, որ ինքը նշված անձանցից որեւէ մեկին չի ստիպել դիմում գրել. «Փոխտնօրենն ինչ-որ անձնական խնդիրներ ուներ, դատական գործ էր, կարծեմ, ու ինքն է որոշել դիմում գրել: Վիրաբույժ տեղափոխվել է Ռուսաստան՝

աշխատանքի, անգամ իրեն չեմ էլ տեսել, դիմումը գրել գնացել է, իսկ նյարդաբանը 0,25 դրույք է աշխատել՝ ժամը 9-12-ը, բայց չէր ուզում այդ ժամերին աշխատել, ժամային գրաֆիկին չհարմարվելու համար է դուրս եկել աշխատանքից: Իսկ Ֆլորա Միքայելյանն ընդհանրապես աշխատանքին չի տիրապետում: Իր մասով բազմաթիվ թերացումներ ենք հայտնաբերել: Ընդհուպ վիրահատարանի գույքը, որը պատկանում է վիրահատարանին, գտնվում է առանձին տեղ՝ լրիվ վիրահատարանից դուրս պահած բժշկի սենյակում: Բացատրազիր է գրել, նշել, որ պահեստում տեղ չկար, բայց վիրահատարանի պահեստում շատ տեղ կար: Օրինակ, մի գործիքը, որ արժեք 300 հազար դրամ, մենք պատրաստվում էինք նորը գնել, որովհետեւ չգիտեինք, որ ունենք: Թե հիմա անձով է պայմանավորված եղել, կոնկրետ եղ վիրահատարանի վարչի սենյակում է եղել, թե իրենք ինչ նկատառում են ունեցել, որ հետո եղ գույքն ինչ պետք է անեն, չեմ կարող անկեղծ ասել, չեմ ուզում ենթադրություններ արել: Իրավական մասով տվել եմ բացատրազիր գրել, ստացել է նկատողություն: Բուժքույրերի հետ վիրահատարանի ներսում իրենք ճաշ են պատրաստում, ճիշտ կարելի է դրա վրա աչք փակել»:

Անդրադառնալով վիրահատարաններում տեղադրված տե-

սախցիկներին, Օհանյանը հաստատեց այդ տեղեկությունը, սակայն նշեց, որ օրենքով սահմանված է, եւ կարող է վիրահատարանում տեսախցիկ լինել. «Իմ սենյակում մեծ Էկրանի վրա միացված են տեսախցիկները, բայց բացառվում է, որ ինձ մտա՞ծ մարդիկ տեսնեն, թե ինչ է կատարվում տեսախցիկներով: Դրանք տեղադրված են, որ խնդիրների դեպքում կարողանանք հասկանալ, թե ինչ է տեղի ունեցել: Երեւի վատ են զգում, որ տեսախցիկներ կան տեղադրված, եւ վիրահատարանի գույքը էլ չեն կարողանա դուրս բերել, քանի որ իրենք երբ ուզել են, վիրահատարանից ինչ գործիք ուզել են, հանել են: Իմ նկատողությունից հետո տեսախցիկով տեսել եմ, թե ոնց են էղ տարած գույքը տուրքակներով բերում»: Նա հերքեց, որ հիվանդասենյակներ շրջայցի ժամանակ կարող է ոչ պատշաճ տեսքով լինել՝ ընդգծելով, որ հիմնականում խալաթ է կրում: «Այս մասով էլ երեւի վրդովվել են, որ հսկում եմ, թե հիվանդներին ինչ դեղորայք են տալիս, ինչի համար է տվյալ դեղորայքը ցուցված բուժառուին: Բազմաթիվ դեպքեր են եղել, որ նշված դեղը բուժառուին ցուցված չի եղել, բայց տվել են: 30 տարի առաջ իրենք սովորել են, որ էղ դեղը պիտի ստանա հիվանդը, բայց ներկայում դա բժշկական գրականությունից հանված է»:

Արմինե ՆԱԿՈՅԱՆ

Փաշինյանի չկապակցված, կցկտուր խոսքը ցույց է տալիս, որ նա իսկապես վախեցած է, հնարավոր է, որ ապրիլի 1-ին Ռուսաստան կատարած աշխատանքային այցի ընթացքում նրան վախեցրել են այն հետեւանքներով, ինչին ընդունակ է Ռուսաստանը փաշինյանական իշխանության հակառուսական գործողություններին հակազդելու համատեքստում: Փաշինյանը որոշել է խորամանկել եւ փոխել նախընտրական քարոզչության արտաքին քաղաքական գիծը. եթե մինչեւ Մոսկվա գնալը նա արեւմտյան աշխարհի եւ նրա քաղաքականության ներկայացուցիչն էր Հայաստանում, որը Հայաստանը տանում է դեպի գարգացող եւ առաջադեմ ԵՄ-ին անդամակցելու ճանապարհով, ստիպված լինելով կռվել նենգ Մոսկվայի եւ նրա հայաստանյան դրածոների անսնամադրած հիբրիդային պատերազմում, հիմա միանգամից դարձել է Հայաստան-Ռուսաստան բարեկամության եւ եղբայրության երզվյալ կողմնակից, որը պայթարում է այդ բարեկամությունը ոչնչացնել փորձողների դեմ: Դա, իհարկե, ժամանակավոր է, ընդամենը երկու ամսից էլ քիչ, մինչեւ քվեարկության հաջորդ օրը:

Նման շրջադարձի պատճառն այն է, որ տեսնում է, որ Ռուսաստանի կողմից ուղարկվող ազդակները հասել են Հայաստանի ընտրողներին, մարդիկ, հատկապես բանակա-նության հետ կապը չկորցրածները, նրանք, ովքեր գիտակցում են իրենց ու երկրի շահերը, հասկանում են, որ Ռուսաստանի հետ թշնամացման քաղաքականությունը կործանարար հետեւանքների է հանգեցնելու, եւ դրանից խուսափելու միակ ելքն իրենից ազատվելն է: Դրա համար փորձում է խաբեության դիմել, համոզել, որ Ռուսաստանի հետ հարաբերություններում ամեն ինչ լավ է, ինքը Հայաստանի միակ ռուսամետ, Ռուսաստանի դաշնակից եւ բարեկամ գործիչն է, Սամվել Կարապետյանն էլ ոչ թե Ռուսաստանից է ուղարկվել, այլ՝ Ռուսաստանի թշնա-

մի երկրների ազդեցության գործակալն է՝ Հայաստան-Ռուսաստան դաշինքը ոչնչացնելու հանձնարարությամբ:

Աժ-ում հերթական անգամ բեմականացված հարցուպատասխանի ժամանակ հոգեխանգարմունքի մեջ գտնվող Փաշինյանը Սամվել Կարապետյանին մեղադրեց օտարերկրյա ազդեցության գործակալ լինելու, հայ-ռուսական բարեկամության դեմ աշխատելու եւ նույնիսկ ԵԱՏՄ-ն ոչնչացնելու ցանկության մեջ: Պատկերացնում եք՝ մարդ ինչ հոգեբանական վիճակի մեջ պետք է լինի, որ նման մեղադրանք հնչեցնի: Մնում էր, որ հայտարարեր, թե Կարապետյանը գործում է ԱՄՆ-ի կամ ԵՄ երկրների հատուկ ծառայությունների ցուցումով, բայց համեմայնդեպ ասաց, որ նա ոչ թե «ռազմեղծ» է, այլ՝ ինոգենտ, հատուկ ռուսերեն, որ Ռուսաստանում լավ հասկանան Կարապետյանի ով լինելը եւ հեռու մնան, զգուշանան նրա քայքայիչ գործունեությունից:

Խոսելով Կարապետյանի զգուշացումների մասին, որ Փաշինյանի վերընտրվելը կարող է հանգեցնել Հայաստան-Ռուսաստան հարաբերությունների վատթարացման, Փաշինյանն ասում է. «Փորձ է անում հրահրել ՀՀ-ՌԴ կոնֆլիկտ՝ եղ կոնֆլիկտի վրա ձեռքները տաքացնելու համար: Ես անհնար եմ համարում այդպիսի բանը, 2018 թվականին հիշում եք՝ ինչեր էին ասում, 2021 թվականին էլ էին ասում: Հայաստանի եւ Ռուսաստանի հարաբերություններն այսօր գտնվում են ամենաբարձր մակարդակի վրա, քան երբեք եղել է: Նայեք Հայաստանի եւ Ռուսաստանի ղեկավարների հանդիպումների դի-նամիկան եւ համեմատեք նախորդ շրջանների հետ»:

Եկեք համեմատենք դինամիկան. Ռոբերտ Զոհարյանի նախագահության օրոք ՌԴ նախագահը Հայաստան է եկել 2 անգամ, մեկ անգամ՝ Սերժ Սարգսյանի պաշտոնավարման օրոք: Նիկոլ Փաշինյանի վարչապետության օրոք եկել է 2019-ին եւ 2022 թ. նոյեմբերին՝

մասնակցելու Երեւանում կայանալիք ՀԱԿԿ անվտանգության խորհրդի նստաշրջանին: Հաջորդ տարի Հայաստանը սառեցրել է իր անդամակցությունը ՀԱԿԿ-ին, եւ նույն թվի հոկտեմբերի 3-ին Հայաստանի խորհրդարանի ԶԳ-ական մեծամասնությունը վավերացրել է Միջազգային բրեւական դատարանի հիմնարար պայմանագիրը՝ Հռոմի ստատուտը: ՄԶԴ-ն բրեւական հետապնդում էր հարուցել ՌԴ նախագահի նկատմամբ, պարտավորեցնելով պայմանագրին միացած երկրներին՝ կալանավորել եւ դատարանին հանձնել ՌԴ նախագահին: Դրանից հետո Պուտինը Հայաստան չի այցելել, ու քանի դեռ Հայաստանում Փաշինյանն իշխանության է, չի էլ այցելի:

Նիկոլ Փաշինյանը խորհրդարանի իր ելույթում դեմագոգիկ կերպով Սամվել Կարապետյանին է մեղադրում ԵԱՏՄ-ն ոչնչացնելու ցանկության մեջ, այն դեպքում, երբ Կարապետյանը որեւէ իշխանություն չունի եւ չի կարող որեւէ ձեռքով ազդել ԵԱՏՄ-ի գոյության վրա, մինչդեռ ինքը հռչակել է Հայաստանը ԵՄ տանելու նպատակ, իր խմբակցությունն իր հրահանգով օրենք է ընդունել, եւ սպասում են ԵՄ-ից ազդանշանի, որ դուրս գան ԵԱՏՄ-ից: Մինչդեռ

ԻՆՉԻՅ Ե ԱՅՊԲԱՆ ՎԱԽԵՑՆԵԼ ՆԻԿՈԼ ՓԱՇԻՆՅԱՆԸ

այդքանից հետո ասում է. «Եղ մարդիկ որ եղպես խոսում են եւ ուզում են եղպիսի սադրանքներ անել, եղ մարդիկ ուզում են ԵԱՏՄ-ն կաթվածահար անել: Ես ուզում եմ հիշեցնել, որ մենք ԵԱՏՄ անդամ երկիր ենք եւ մենք ԵԱՏՄ անդամ 5 երկրներից մեկն ենք, որ որոշումներ է կայացնում: Այդ մարդիկ, ովքեր ըտենց սադրանքներ են անում, ուզում են ԵԱՏՄ-ն որպես կազմակերպություն ոչնչացնել, որ իրենց ունեցվածքը փրկվի: Մեկ է՝ իրենց ունեցվածքը չի փրկվի, այնպես որ, ավելի լավ է՝ ԵԱՏՄ-ն սադրանքների մեջ չներթաշեն: Ես ասում եմ՝ մենք ՌԴ-ի հետ չենք վիճել, չենք վիճում, չենք վիճելու»: Տեսնում եք՝ ինչ հա-

խուռն, անտրամաբանական խոսք է. ինչ կապ ունի Կարապետյանի սեփականությունը ԵԱՏՄ-ի ոչնչացման հետ, ինքն է ամեն անգամ խոսում ԵԱՏՄ-ի եւ ԵՄ-ի անհամատեղելիության, ԵՄ-ին միանալու դեպքում ԵԱՏՄ-ից դուրս գալու մասին:

Ինչո՞ւ է Փաշինյանը հայտնվել նման վիճակի մեջ, ինչ է տեղի ունենում նրա հետ: Մարդիկ համոզվում են, որ նրա գոյությունն իշխանության ղեկին վտանգում է Հայաստանի եւ յուրաքանչյուրի գոյությունը եւ բարեկեցությունը, Ռուսաստանն ավելի ու ավելի համոզիչ է ցույց տալիս, որ ՀՀ քաղաքացիները պետք է ընտրություն կատարեն Փաշինյանի եւ իրենց երկրի ու անձնական բարեկեցության միջեւ, մինչեւ քվեարկության օրն այդ ազդանշաններն ավելի բացահայտ են լինելու: Փաշինյանը գիտի, որ չի կարող ասել՝ դե, եթե Ռուսաստանն ինձ ու իմ իշխանությանը պատերազմ է հայտարարել, ես ընդունում եմ մարտահրավերը: Չի կարող նման բան ասել, որովհետեւ այդ պատերազմում մենակ է մնալու եւ, ինչպես իր բոլոր պատերազմները, պարտվելու է: Դրա համար որոշել է հերթական անգամ գծական գնալ. իրեն հայտարարել Ռուսաստանի բարեկամ եւ դաշնակից, իսկ Սամվել Կարապետյանին՝ Ռուսաստանի

Ճ



Ավետիս ԲԱԲԱԶՆԱՅԱՆ

Հայաստանում հունիսի 7-ին կայանալիք խորհրդարանական ընտրությունների հետ կապված քննարկումները հիմնականում երկու հարթության վրա են տեղի ունենում: Առաջինը ներքաղաքական հարթությունն է, որպես հնգամյակի կարեւորագույն իրադարձություն ներհայաստանյան կյանքում, որը կարեւոր դեր է խաղալու երկրի կյանքում, եւ այդ կարեւորությունը բոլորն են հասկանում: Երկրորդը Ռուսաստան-Արեւմուտք մրցակցության հարթությունն է, որտեղ առանցքայինը «ԵՄ, թե ԵԱՏՄ» դիլեման է, դրանից բխող՝ «Թրամփի ուղի», Երեւանի եւ Մոսկվայի միջեւ գործող կոնցեսիոն համաձայնությունների ճակատագիրը: Սակայն, ըստ քաղաքագետ Սերգեյ Մարկեղոսովի, կան նաեւ այլ հարթություններ, որոնց մասին հազվադեպ է խոսվում, քանի որ դրանք նվազ հետաքրքրություն են ներկայացնում:

Առաջիկայում կայանալիք խորհրդարանական ընտրությունների մասով հետաքրքիր է նաեւ հայկական սփյուռքի մասնակցությունը

ՎԱՅԱՏԱՆԻ ԱՎ ԱՌԱՋԻԿԱ ԸՆՏՐՈՒԹՅՈՒՆՆԵՐՆ ՈՒ ՎԱՅԿԱԿԱՆ ՍՓՅՈՒՌՔԸ

ու ունեցած ազդեցությունն ընտրությունների վրա: Սփյուռքն այս առումով հստակ գանազանված է: Ռուսաստանաբնակ հայերի քաղաքական համակրանքը կարծես թե ռուսամետ կուսակցությունների կողմն է, որոնք գործում են Հայաստանում կարծում է ռուս քաղաքագետը: Այլ կերպ չէր էլ կարող լինել, հաշվի առնելով Ռուսաստան պետության առանձնահատկությունները: Մյուս երկրներում ամեն բան մի փոքր այլ է: Այսպես. ապրիլի 11-12-ին Ֆրանսիայի մայրաքաղաք Փարիզում կայացած Սփյուռքի հայության մրբիլիգացիոն հավաքը՝ Սփյուռքի գորաշարժի համաժողովը նույնպես այս համատեքստում է դիտում Մարկեղոսովը: Ֆրանսիայում, մոտավոր հաշվարկներով, ապրում է 350-500 հազար հայ: Առավել խոշորը Փարիզի, Լիոնի եւ Մարսելի հայկական համայնքներն են: Հայազգի գործիչները կարեւոր տեղ են զբաղեցնում ֆրանսիական կյանքի շատ ասպարեզներում՝ քաղաքականությունից մինչեւ բիզնես: Մրբիլիգացիոն հավաքը կամ համաժողովը, որը

կայացավ Փարիզում, հյուրընկալել էր 150 ներկայացուցիչ՝ Հայաստանից եւ աշխարհի 26 երկրից: Կազմակերպիչը EAFJD-ն՝ Արդարության եւ Ժողովրդավարության եվրոպական հայկական ֆեդերացիան: Չգալի էին նաեւ ՀՀ աշակցությունն ու ներկայությունը կոնգրեսին: Ըստ Մարկեղոսովի, միջոցառումն արձանագրեց Հայաստանում ներկայում տիրող քաղաքական իրավիճակի լրջությունը, որը կարելի է համարել որպես սփյուռքյան մեկնաբանություն կամ արձագանք: Խիստ քննադատության ենթարկվեց Հայաստանի կառավարության որդեգրած կուրսը հատկապես Հայ առաքելական եկեղեցու հանդեպ: Շատ քննադատություններ հնչեցին նաեւ Նիկոլ Փաշինյանի հասցեին՝ Հայոց ցեղասպանության հանդեպ որդեգրած անընդունելի կեցվածքի համար: Ղարաբաղը եւս այն տրավմատիկ հարցերից է, որը հուզում է հայությանը:

Ըստ Էուրոպայի փաստվեց, որ հայկական միջավայրում գոյություն ունի երկու օրակարգ՝ սփյուռքի



օրակարգ եւ Հայաստանի կառավարության օրակարգ: Ինչ է սա նշանակում: Թերեւս այն, որ արեւմտյան ճակատում եղած հայության մեջ կարծիքները միատարր չեն, եւ զուտ հայկական հարցերի հետ կապված՝ Փաշինյանի կաբինետի հետ լուրջ տարաձայնություններ կան: Իսկ սպասվող խորհրդարանական ընտրություններից առաջ դա հասկանալը եւ նկատի ունենալը շատ կարեւոր են:

Նարեկ ՀԱՐՈՒԹՅՈՒՆՅԱՆ

Հարցազրույց
ճարտարապետ,
բաղաբաշխա-
րար եւ հետազո-
տող Սարհատ
Պետրոսյանի հետ:

**- Զաղաբաշխական ինչ խնդիր-
ներ կան այսօր Հայաստանում,
հատկապես՝ մայրաքաղաքում:
Պահպանվում են սահմանված շի-
նարարական չափանիշներն ու
կանոնները, չի աղավաղվում քա-
ղաքների տեսքը:**

- Խնդիրների մասին երկար ենք
խոսել, իրականում, դրանք նույնն են՝
մի տարբերությամբ, որ մենք ունենք
ծավալների մեծացում: Այսինքն,
եթե 10-15 տարի առաջ Երեւանում
սահմանափակ թվով շենքեր էին կա-
ռուցվում, Հյուսիսային պողոտա եւ
այլն, հիմա ամբողջ քաղաքն է կա-
ռուցվում, որն իր հետ շատ ավելի մեծ
խնդիրներ է բերում: Խնդիրներ, որ

մի տարբերություն չկա, պարզապես
գումարներն են շատացել եւ ծա-
վալները: Բայց սա շատ մեծ խնդիր
է, որը պետությունն իբր փորձում է
լուծել: Ասում է՝ Երեւանում եկամտա-
յին հարկի վերադարձ չեն տալիս,
տալիս են շրջակա մարզերի համար:
Եվ մենք նույն խնդիրը, որ Երեւանում
ենք ստեղծել, ստեղծում ենք շրջակա
մարզերում:

Երբ Աշտարակի խնուրով գնա-
լիս անցնում ենք կամուրջը, տեսնում
ենք՝ պատմական այդ գեղեցիկ
կենսապատկերի, լանդշաֆտի մեջ
բազմահարկ մի շենք է աճել: Երբ
մտնում ենք Էջմիածին եւ տեսնում
մայր տաճարը՝ իր ողջ վեհությամբ, եւ
Հռիփսիմեն, հանկարծ տեսնում ենք,
որ բազմահարկ շենքեր են բարձրա-
նում շրջակայքում: Իսկ Զանաբեռա-
վանը, որ գյուղական բնակավայր է,
այնտեղ հսկայական թաղամասեր են
կառուցվում: Նույնը կարելի է ասել
Երեւանի շրջակա մյուս տարածքնե-
րի համար, եւ այսպես փչացնում ենք
ողջ Հայաստանի քաղաքային բնակա-
վայրերը՝ պետության կողմից սուբսի-
դավորելով մի նախաձեռնություն, որի
մեջ գուցե կա լավ ցանկություն, բայց
գնում է լրիվ սխալ ուղղությամբ:

**- Բայց կան Երեւանի եւ մյուս
քաղաքների գլխավոր հատա-
կագծեր: Արդյո՞ք դրանք հաշվի չեն
առնվում եւ խախտվում են այդպես
կոպտությամբ:**

պահպանության համար: «Վեոլիան»
ունի երկու սակագին. բնակավայր,
որտեղ ջուր է մատակարարում, եւ
բնակավայր, որ հեռացնում է նաեւ
կոյուղաջրերը: «Վեոլիային» Հա-
յաստանում ոչ ոք չի վճարում հեղե-
ղատար համակարգ պահելու համար:
Երեւանը հեղեղատար համակարգի
համար, ֆորմալ առումով, ծախսում է
գրո դրամ եւ դրա պատճառով էլ այդ
վիճակում է: Իսկ ինչն էլ վճարում.
որպեսզի ջրի սակագին վրա չազդի:
«Վեոլիան» ասում է՝ Եթե ուզում ես,
որ ես կեղտաջրերի պատշաճ հե-
ռացում կազմակերպեմ, եթե ուզում
ես 24-ժամյա ջրամատակարարում
ապահովեմ, սակագինս վերանայիր:
Իսկ մենք չենք վերանայում, փող չենք
տալիս, որպեսզի ընտրություններից
առաջ սակագին փոփոխություն չլի-
նի, որ գլուխ գովենք՝ այ, տեսե՛ք, մեր
ժամանակ սակագինը չի փոխվել: Եվ
դա բերում է նրան, որ մենք ստանում
ենք վատ ծառայություն: Զաղաբաշխ-
ատարան էլ այդ փողով տնտեսված է
կազմակերպում, տոնածառ է դնում
եւ այլն: Գուցե ավելի առաջնային
խնդիրներ կան, գուցե կարելի է տո-
նածառի վրա քիչ փող ծախսել եւ փո-
խարենը ծախսել հեղեղատարի վրա:
Մենք՝ որպես երեւանցիներ, որ մեր
պատվիրակած լիազորությունները
տվել ենք քաղաքապետարանին, այդ
պողոցների մեջ կա գրեթե գրո դրամ
հատկացված հեղեղատար համա-

է տրանսպորտի, եւ ճանապարհերի,
եւ բազմաթիվ այլ առումներով: Փող են
աշխատում օրինական եւ ոչ օրինա-
կան ճանապարհներով՝ ինչքան կա-
րող են եւ, վերջին հաշվով, թափած ունեն
հանրության հարմարավետության
վրա: Իրենց ավելի շատ հետաքրքրում
են ֆեյսբուքյան, ինստագրամյան
արդյունքները: Կտրում են փողոցնե-
րում մեր բազմամյա ծառերը եւ
տնկում են ծառեր, որոնք ծաղկում
են, բայց ստվեր չեն տալիս: Փոխա-
րենը՝ դրանց լուսանկարները կարող
են դնել ինստագրամում եւ ստանալ
լայքեր, բայց չեն մտածում հիմնական
խնդիրների մասին, որ առաջնայինը
ոչ թե լուսանկարն է, այլ՝ մեզ մաքուր
օդ տալը: Այդպիսին է ողջ տրամա-
բանությունը: Իսկ ասֆալտ պահելը
եւ մյուս խնդիրները համակարգ են,
պիտի աշխատես, դու չես կարող մի
բան անել մի անգամ ու թողնել գնալ:
Ինչպես աղբահանության հարցն իբր
լուծվեց, բայց մենք տեսնում ենք, թե
ինչ է կատարվում աղբահանության
հետ: Այս ամենն ամենօրյա աշխա-
տանք է, որ չի արվում, այսինքն՝
քաղաքը կառավարվում է վատ:
Այնպես չէ, որ մինչեւ այս շատ լավ
եր կառավարվում: Բայց դու պետք է
պատրաստ լինես շարունակ կատա-
րելագործվելու եւ ամենակարեւորը՝
քննադատություն ընդունելու: Սրանից
10 տարի առաջ, այս հարցազրույցի
արդյունքում, մենք ավելի շատ ազդե-



ՉԵՆՔ ԳԱՐՄԱՆԱ, ՈՐ ՄԻ ՕՐ ՍԱ ԼԱՅՎ ՄՏՆԻ՝ ՄԱՐԴ ՈՒՏԻ, ԵՎ ՄԱՐԴԻԿ ԴԱ ԱՐԴԱՐԱՑՆԵՆ

պլանավորված չեն եւ իրականացվում
են ցաթուցիկով, ինչպես պատահի: Եվ
դա տեղի է ունենում հանրային մի-
ջոցների հաշվին, որն ամենացավալին
է: Այսինքն, եկամտային հարկի վերա-
դարձի ինստիտուտը, որ մենք ներդրե-
ցինք, որը բերեց բնակարանային կամ
կառուցապատման քիզնեսի զարգա-
ցում, դրա ֆինանսավորողը մենք ենք,
մեր հարկերից է: Ծիշտ է, դրա մեջ լավ
բան կա, որ մարդիկ նոր տուն են ունե-
նում, բայց թվերը վախենալու են: Այս
տարի Հայաստանը 250 մլն դոլար
պետք է սպասարկի միայն եկամտա-
յին հարկի վերադարձի տոկոսները, եւ
այդպես շարունակ 10-15 տարի: Այս
խնդիրը, որ մեզ համար ստեղծել են
վերջին 7-8 տարիների ընթացքում,
միայն եկամտային հարկի վերադարձի
մասով 2,5-3 միլիարդ դոլարի պարտք
ենք հավաքել, որի մասին չի խոսվում,
եւ չեն հաշվում ընդհանուր պարտքի
մեջ, որ տալու ենք բանկերին: Եվ
ամենակարեւորը, երբ քաղաքային
նոր տներ ենք կառուցում, ենթակա-
ռուցվածքների փողը նորից տալիս
է պետությունը: Այսինքն, այն 3 մի-
լիարդ պարտքը, որ մենք ձեւավորե-
ցինք միայն եկամտային հարկի վերա-
դարձով եւ որը պետք է վճարենք 10-
15 տարվա ընթացքում, դրանից բա-
ցի, մոտավոր հաշվարկով, մի այդքան
էլ ծախս նստելու է հարկատուների
վրա, երբ լուծենք այդ նոր կառուցա-
պատվող տարածքների ճանապարհի,
դպրոցի, մանկապարտեզի, ջրի ու գա-
զի եւ նման հարցերը: Սա առաջին հա-
յացքից կարճաժամկետ կտրվածքով
շատ բարի տպավորություն թողնող
նախաձեռնություն է, բայց գնաց շատ
սխալ ուղղությամբ, եւ որի համար
մենք շատ թանկ ենք վճարելու: Սա
այս պահի ամենամեծ խնդիրն է, որը
բոլորովին նոր չէ, եղել է նաեւ նախկի-
նում: Այսինքն, կոռուպցիոն սխեմայով
քաղաքի զարգացումը եղել է նախկի-
նում, հիմա էլ է շարունակվում, եւ ոչ

- Միանշանակ, հաշվի չեն առնվում:
Բերեմ մի պարզ օրինակ. ակադեմիա-
կան քաղաքը, որ հիմա բնակարկում
է, եւ պետությունը ֆինանսավորում
է, այդ տեղը Երեւանի նախորդ գլխա-
վոր հատակագծով նախատեսված
եր որպես անտառային տարածք: Դա
Երեւանի ռեզերվային տարածքն էր,
որտեղ մենք պետք է վերականգնեինք
մայրաքաղաքում կորցրած մեր կա-
նաչ տարածքները, բայց այդտեղ հի-
մա կառուցապատվում է պետության
կողմից՝ վարչապետի ուղիղ հանձնա-
րարությամբ: Եթե երկրի կառավա-
րությունը չի հարգում քաղաքաշի-
նության կառուցակարգերը, դեմ է
գնում դրանց, որոնք մասնագետները
մտածել են հաշվարկել են, ինչն է պետք
է Աշտարակի կամ Վաղարշապատի
համայնքապետը հետեւի քաղաքային
պլանավորման փաստաթղթին: Ոչ ոք
չի հետեւի:

**- Ամեն անձրեւից հետո Երեւա-
նի փողոցներով գետեր են հոսում՝
վերածվում լճակների՝ ծածկելով
անգամ ավտոմեքենաներ: Փողոցներ
էլ կան, որ կոյուղաջրերը հոսում են
գետնի վրայով: Չեն գործում ջրա-
հեռացման եւ կոյուղատար համա-
կարգերը, խնդրի լուծումը մեկը
մյուսի վրա է գցում: Ո՞վ է դրա պա-
տասխանատուն:**

- Այդ մասին մենք 5 տարի առաջ
բարձրաձայնում էինք Երեւանի քա-
ղաքապետարանում, մեզ ասում էին՝
դա մեր խնդիրը չէ, դա «Վեոլիային»
խնդիրն է: Իսկ մենք ասում էինք՝ Եթե
մարդիկ Երեւանում չկարողանան տե-
ղափոխվել, դա քաղաքապետարանի
խնդիրն է, ոչ թե՛ «Վեոլիային»: Հիմա
ամեն երկուշաբթի շատ լուրջ դեմքով
հաթաթաներ են տալիս «Վեոլիային»,
թե չի սպասարկում հեղեղատար հա-
մակարգը: Եվ սա՝ այն դեպքում, որ
մենք՝ Երեւանի քաղաքացիներս, եւ
ընդհանրապես ՀՀ-ն չի վճարում «Վեո-
լիային» հեղեղատար համակարգի

կարգին: Ուստի մենք անընդհատ
ունենալու ենք հեղեղատարի խնդիր-
ներ, որն ունի նաեւ պատճառներ.
Նախ, կլիմայի փոփոխությամբ
պայմանավորված՝ եղանակային
կտրուկ փոփոխություններն են, հա-
ջորդը՝ կառուցապատման պատճա-
ռով նվազում են ջրաթափանց կամ
ջուրը ներծծող մակերեսայինները
քաղաքում: Ջուրը չի ներծծվում Զա-
նաբեռում կամ Չեյթունում կամ Մա-
սիվներում ու զալիս լցվում է ներքե՛լ՝
մինչեւ Մաշտոցի պողոտա, իսկ հեղե-
ղատար համակարգը չի աշխատում:
Այնպես չէ, որ միայն հեղեղատար
համակարգը մաքրելով կարող ենք
այդ հարցը լուծել: Մենք նաեւ մեր
ներգործությամբ՝ սխալ կառուցա-
պատման արդյունքում կանաչ տա-
րածքները նվազեցնելու պատճառով
բերում ենք նրան, որ ունենում ենք
ավելի շատ մակերեսային ջրերի
հավաքում, ինչն էլ չենք կարողա-
նում հեռացնել, եւ ստացվում է այդ
պատկերը: Սա կոմպլեքս խնդիր է:
Դու չես կարող շենքեր կառուցելու
համար, առանց մտածելու շինթույլ-
տվություններ տալ՝ որտեղ պատահի,
իսկ հետո գաս ասես՝ վայ, հեղեղա-
տարս չի աշխատում: Միեւնույն է, եթե
համակարգն էլ աշխատեց, արդյունք
չես ունենալու, որովհետեւ ավելի շատ
մակերեսային ջուր ունես, քան
սրանից 15 տարի առաջ էր: Ինչն է:
Որովհետեւ դու կանուցեցիր ավելի
շատ, նվազեցրիր կանաչ, կանխարգե-
լող մակերեսայինները:

**- Իսկ բանդաբարափ ասֆալտի
համար էլ է «Վեոլիա ջուրը» պա-
տասխանատու: Ամեն օր տեսնում
ենք ջարդոխուրդ լինող մեքենաներ,
որոնց վնասը որեւէ մեկը չի պատ-
րաստվում փոխհատուցել քաղաքա-
ցուն:**

- Որ քաղաքը վատ է կառա-
վարվում բոլոր ուղղություններով, բո-
լորս համաձայն ենք, խնդիրներ ունենք

ցություն էինք ունենալու քաղաքա-
պետարանի չինովիկների վրա՝ որո-
շումներ ընդունելու մեջ: Իսկ հիմա
իրենք թափած ունեն են հանրության,
եւ մասնագիտական կարծիքի վրա,
դրա համար էլ ստացվում է այն, ինչ
ստացվում է:

**- Այսպես քաղաքը «կառավա-
րելով», երկրի սահմանները զի-
ջելով, արժեքներն ուրանալով ու
մոռացության մատնելով ո՞ր ենք
հասնելու: Արդյո՞ք անկախություն
ու ինքնուրույնություն ենք ձեռք բե-
րում, ինչպես այս իշխող խմբակն ու
իր պարագլուխն են ասում:**

- Մենք գործ ունենք մի խմբակի
հետ, որ երկար տարիներ երազել է եւ
զավ իշխանության, որ ստացել է եւ
պատրաստ է այդ նույն իշխանությունը
պահելու համար գոհել ամեն ինչ, բա-
ռի բուն իմաստով՝ ամեն ինչ: Չենք
զարմանա, որ մի օր սա հեռուստա-
ցույցով լայվ մոնի՝ մարդ ուտի, եւ
մարդիկ արդարացնեն: Այդ տեսակ բա-
րոյականության մեջ ենք մենք ապրում:
Իրենց համար Արարատ, Արագած՝
թափած ունեն, կարեւորն իրենց երա-
զանքների իրականացումն է: Այն
բոլոր բարոյությունները, որ տարիներով
կուտակել են իշխանության համար
կռիվ անելով եւ ստացել են, դա ամեն
գնով պահպանելու են: Չփորձենք գա-
ղափարական հենք գտնել այս ամեն
ինչի մեջ: Վաղը կամ մյուս օրն իրենք
պատրաստ են «թափավորել» միայն
Երեւանի վրա, միայն թե կարողանան
իշխել: Իրենք բոլոր արժեքների վրա
եւ մեր՝ բոլորիս վրա թափած ունեն: Եվ
այդ առումով ընդհանրապես կարիք
չկա քննարկելու՝ ինչ են իրենք անում:
Վաղը չէ մյուս օրն Արագածին էլ են
նույն կերպ վերաբերվելու, ինչպես
Արարատին են վերաբերվում այսօր:
Որովհետեւ նպատակը մեկն է՝ մնալ
իշխանության, մնալ կենդանի՝ այսպես
ասած, եւ դրա համար պատրաստ են
ցանկացած վայրենության:

Ինչպես կրթությանը պայծառ վիճակը՝ ազգային, հոգեւոր, մշակութային, քաղաքական համատեքստում:

- Այսօրվա Հայաստանը միաժամանակ էլ ցավի մեջ է, էլ որոնման: Պետականությունն արտաքինից կարծես կայացած է, բայց ներսում կա խոր արժեքային ճգնաժամ: Ազգային մտածողությունը նահանջում է, գալիս է անհատական շահի գերակայությունը: Մենք փորձում ենք նմանվել ուրիշներին՝ մոռանալով, որ մեր ուժը մեր տարբերության մեջ է: Երբ երիտասարդը չգիտի իր պատմությունը, իր մշակույթը, իր երգը, իր լեզվի խորքը, դառնում է հեշտ կառավարվող: Երկրորդը հոգեւոր դատարկությունն է: Երբ հավատը դառնում է ձեւական, այլ ոչ թե ապրող արժեք, մարդը կորցնում է իր ներքին ողնաշարը: Իրավիճակային խնդիրները ժամանակի ընթացքում լուծվում են՝ քաղաքական փոփոխություններով, տնտեսական վերադասավորումներով: Բայց երբ ճգնաժամը դառնում է արժեքային, այն ներթափանցում է մարդու մտածողության մեջ: Մարդիկ փորձում են հարմարվել, գոյատևել,

տաքերությունից: Ամենավտանգավորն այն է, որ մարդը կարող է չգալ այդ կորուստը: Նա կարող է ապրել, աշխատել, հաջողության հասնել, բայց ներսում այլևս չունենալ կապի իր ժողովրդի հետ: Այդ պահին նա դառնում է անհատ, բայց ոչ՝ ազգային միավոր: Մեր հոգեւոր հիմքը թուլացել է: Այսօր տեսնում ենք հակասություն՝ մարդը կարող է արտաքուստ լինել հավատացյալ, բայց իր վարքում չարտահայտել այդ հավատը: Սա նշանակում է, որ հոգեւոր արժեքները չեն դարձել ներքին ուղեցույց: Երբ մարդը կորցնում է իր ներքին սահմանները, նա սկսում է արդարացնել նույնիսկ այն, ինչը նախկինում անընդունելի էր: Սա արդեն հոգեւոր թուլացման նշան է, եւ այս նշանով է առաջնորդվում հատկապես այսօրվա վարչակարգը, որն իրեն իրավունք է վերապահել խառնվել մայր եկեղեցու ներքին գործերին: Ամենայն հայոց հայրապետը միայն Հայաստանի կաթողիկոսը չէ, նա Ամենայն հայոցն է, նրա գոյությունը պայմանավորված չէ մեկ «մարդու» հիվանդագին դրսեւորումներով: Տեսնում ենք բարոյակալության նահանջ, այն էլ՝ պետական

միասնական հասարակություն, ավելին՝ պառակտվում են պետության ազգային-հոգեւոր-մշակութային-հասարակաբանական կյանքի հիմքերը, եւ պետությունը դատարկարկվում է ձուլման այլ ազգերի մեջ: Բայց մենք՝ երիտասարդներս, մեր ընտրությամբ չենք թողնի, որ այս իշխանությունների որդեգրած ծրագրերն իրագործվեն: Մշակույթը պետք է լինի ինքնության պահպանման գլխավոր գործիքը, բայց այն լիարժեք չի կատարում այդ դերը: Ու դա դարձյալ այս իշխանությունների մեղքով է: Մենք ունենք ստեղծագործող մարդիկ, ունենք տաղանդներ, բայց հաճախ մշակութային կյանքը չի դառնում հասարակության մտածողության ձեւավորման գործոն: Ես մշակույթի գործիչներին ուզում եմ ասել՝ հարգելիներս, երբ հայրենիքն է վտանգի շեմին, գրիչն էլ զենք չէ, թուղթն էլ՝ մարտադաշտ: Տեսնում ենք՝ քաղաքականությունը դարձել է ոչ թե ծառայություն, այլ պայքար իշխանության համար: Դա է խարխուլում պետության հիմնասյունը: Դա պիտի բացատրել մեր ժողովրդին:

- **Դուք մասնակցել եք 44-օրյա պատերազմին:**

տասարդը կանգնած է բազմաթիվ գայթակղությունների առաջ՝ հեշտ քաղաքականության, արագ հաջողության: Բայց պետք է հասկանալ՝ իրական արժեքը ստեղծվում է աշխատանքի, պայքարի եւ հավատքի միջոցով:

Երիտասարդությունը ո՞րն է համարում ամենամեծ վտանգը Հայաստանի համար:

- Ամենամեծ վտանգը ներքին պառակտումն է, որ բերում է այս

Իմ գրուցակիցն է գրող, հրապարակախոս, բանաստեղծ, «Երջանիկ տարեցներ» գիտամշակութային միության նախագահ, 44-օրյա պատերազմի մասնակից Աշոտ Դավթյանը:



ԱՄԵՆԱՄԵԾ ՎՏԱՆԳԸ ՆԵՐՔԻՆ ՊԱՌԱՎՏՈՒՄՆ Ե, ՈՐ ԲԵՐՈՒՄ Ե ԱՅՍ ԻՇԽԱՆՈՒԹՅՈՒՆԸ

բայց ոչ՝ պահել իրենց ինքնությունը: Սա արդեն վտանգի ազդանշան է:

Այսինքն՝ կարծում եք, որ չափազանցություն չեն այն ահազանգերը, որ մեր ազգային ինքնությունն իրական վտանգի տակ է:

- Ազգային ինքնությունը չի կորչում միանգամից: Այն մաշվում է լեզվի նկատմամբ անտարբերությունից, պատմության նկատմամբ մակերեսային վերաբերմունքից, մշակույթի նկատմամբ ձեւական հե-

մակարդակով: Բարոյականությունը հասարակության հիմքն է: Եթե այդ հիմքը խարխվում է, մնացած բոլոր ոլորտները՝ քաղաքականությունը, տնտեսությունը, կրթությունը, դեֆորմացվում են: Տարբեր կարծիք ունենալը հաճախ ընկալվում է որպես թշնամություն: Սա բերում է վստահության անկման, եւ այս ամենի մեղավորը դարձյալ ներկա վարչակարգն է: Երբ մարդիկ չեն վստահում իրար, նրանք չեն կարող կառուցել

Պատերազմը մարդու մեջ մաքրում է ամեն ավելորդը: Այնտեղ հասկանում ես՝ ինչն է իրական արժեք: Ես տեսել եմ հերոսություն, տեսել եմ գոհաբերություն, եւ դա ինձ համար դարձավ կյանքի չափանիշ: Այսօր, երբ խոսում ենք հայրենասիրությունից, պետք է հիշենք, որ դա ոչ թե խոսք է, այլ՝ գործողություն: Երիտասարդությունը մեր ամենամեծ հույսն է, բայց նաեւ ամենամեծ պատասխանատվությունը: Երի-

իշխանությունը: Երբ մենք սկսում ենք բաժանվել՝ քաղաքական, գաղափարական կամ անձնական հիմքերով, թուլանում ենք որպես ազգ: Թշնամին միշտ օգտվում է մեր ներսի բաժանումից, Հայաստանի համար ամենամեծ վտանգը, այո, ներկայիս կառավարությունն է: Ես երիտասարդներին հորդորում եմ՝ սիրել մեր երկիրը ոչ թե խոսքով, այլ՝ գործով: Ազգը չի կորչում, երբ պարտվում է, այլ երբ դադարում է հավատալ իրեն:

Գագիկ ԱՆՏՈՆՅԱՆ

Բալկոնում մեր հարեւան Շմավոնին տեսա... Տրամադրությունը լավ էր:

- Խեղ լինի,- հարցրի:
- Խեղ ա, խեղ ա:
- Ի՞նչ կա, մեջքդ արեւին ես տվել...
- Հա, վերջապես արեւ դուրս եկավ, բայց դա՛ դեռ հեջ: Իսկ դու իմացա՞ր, որ մեր թռչակին ավելացած 10 հազարով կարող ենք 5 հատ Երեւան-Լառնակա՝ «տուրա-աբառատնի» տոմս առնենք:
- Շմավոն, հաստատ էլի ապուշ երազ ես տեսել:
- Ի՞նչ երազ, այ մարդ, ակնաջովս եմ լսել, ինքն ասաց:
- Ինքը՛ ռվ:
- Նիկոլը...
- Հասկանալի է...
- Ի՞նչն է հասկանալի:
- Դե որ Նիկոլն է ասել, ուրեմն Նիկոլն է հիմար երազ տեսել, պատմել է, դու էլ հավատացել ես:
- Բայց ի՞նչ կա չիավատալու, հասարակ թվաբանություն է: Մի հատ «տուրա-աբառատնի» 2 հազար դրամ է, չեղամվ 10 հազարի՝ 5 հատ «տուրա-աբառատնի» տոմս:
- Շմավոն ջան, դա ոչ թե հասարակ, այլ պարզունակ թվաբանություն է: Ավելին ասեմ՝ ցանկալին իրականության տեղ ներկայացնելու թվաբանություն: Նիկոլը թո ակնաջներից լապշա է կախել:
- Էլ լի՛ք քաղաքականացրիր: Ի՞նչ դառն մարդ ես, լավ բանն էլ չես ուզում տեսնել:

- Լավ, մոռանալ: Իսկ էրբ եք ուզում թռչել Լառնակա: Շողերին էլ ես հետդ տանելու:
- Հա, իհարկե:
- Դե ուրեմն ինձ նախօրոք կասես, որ ավտոն բենզին լցնել, ձեզ տանեմ օդանավակայան:
- Կարիք չկա, տաքսի կկանչեմ:
- Տաքսին Աճառյան փողոցից «Չվարթոնգ» առնվազն մի 6-7 հազար կուզի, ի՞նչ գործ ունես, դա երեք հատ «տուրա-աբառատնի» տոմս է:
- Շմավոնի աչքերը բներում պտտվեցին հաշվիչի պես: Հակափաստարկ էր փնտրում, բայց չգտավ ու լուռ մնաց:
- Իսկ Լառնակայում հյուրանոց պատվիրել եք:
- Չէ, հյուրանոցով թանկ է նստում, Շողերի մորթուրի տղու տանն ենք մնալու:
- Շատ լավ է, Շմավոն ջան, իսկ նախաճաշ, ճաշ, ընթրիք...
- Դրանք մանր հարցեր են, դու գիտե՞ս ով է Շողերի մորթուրի տղեն: Մի Լառնակա՞ մի Սերոբ... Բոլորը ճանաչում են:
- Իսկ Սերոբին վերջին անգամ էրբ եք տեսել...
- Շմավոնը հայացքը դարձրեց երկինք՝ ուզում էր հիշել: Ապարդյուն:
- Հասցեն գոնե գիտե՞ք:
- Այ մարդ, դե կգտնենք էլի, ասի՛ մի Լառնակա, մի Սերոբ:
- Գիտե՞ս, թե ինչու եմ հարցնում, Շմավոն... Լառնակայի օդանավակայանից մինչեւ քաղաք տաքսին ամենաթիվը մի 50 եվրո կուզի: Դուք լավ կանե՞ք՝ մինչեւ Լառնակայի «տուրա-

- աբառատնի» տոմս առնելը Սերոբին զանգեք, որ դիմավորի:
- Էդ մտածել ենք:
- Ապրես: Մեկ էլ Շողերին ասա՛ հաց-մաց դնի, «պռավիզ», ինքնաբեր է՝ ուշանալ կա, շուտ հասնել կա: Օդանավակայաններում գիտես, թե ինչ թանկություն է: Մի բաժակ սուրճը 10 եվրո է, մի բաժակ ջուրը՝ 20: «Բագած» ունե՞ք...
- Չէ, հասարակ տոմս է, միայն ձեռքի պայուսակ են թողնում:
- Դա լավ չէ: Ուտելիք ու ջուր չեն թողնելու վերցնեք:
- Կդիմանանք, 3 ժամվա թռիչք է:
- Հա, իհարկե: Բայց դու ինձնից մի նեղանա, Շմավոն ջան, ես թեզ համար եմ անհանգստանում, որ հանկարծ Նիկոլի ստերի փայ էշ-նահատակ չդառնա: Դու դե՞ռ՝ հեջ, Շողերին էլ հետդ ես տանում: Դա արդեն կատակ չէ:
- Հիմա ի՞նչ ես առաջարկում, Լառնակա չգնամք:
- Գնացեք, ախպեր, չուզողը ես լինեմ, բայց տես՝ Լառնակայից չզանգես ինձ, թե մի բան արա՛՛ հետ գալեք, մնացել ենք «աերոպորտ»:
- Սերոբն էս տղեն չի, որ մենք «աերոպորտ» մնանք:
- Ես էլ դա եմ ասում, փառք Աստու, որ Սերոբի պես մարդ ունեք Լառնակայում, բայց լավ չէ, որ Սերոբի անունը տալու տեղ Նիկոլի ու նրա «տուրա-աբառատնի» տոմսերից ես խոսում: Ինքը շատ քիչ բան է հասկանում ուղեւորափոխադրումներից: Իր ամեն ինչը ձրի է՝ պետության հաշվին: Մեր պետությունը նրան կերակրում

ԵՐԵՎԱՆ - ԼԱՌՆԱԿԱ - ԵՐԵՎԱՆ



Ե, նրա «նաչեգի» հարցերը լուծում է՝ քիչ է, Պուտինն էլ իր հերթին է տանում ճաշի ու ընթրիքի: Ո՛չ տաքսու փող է տալիս, ո՛չ սուրճի: Դու էլ ընկել ես Նիկոլի խելքին, թե թռչակի ավելացած մասով 5 անգամ կարող ես գնալ Լառնակա ու հետ գալ: Գնա, ի՞նչ ասեմ: Դիցուք՝ իմ թռչակի ավելացած մասով ես կարող եմ խանջյան փողոցից մինչեւ Աճառյան փողոց 2,5 հատ «տուրա-աբառատնի» տաքսու տոմս գնել: Զո թռչակի ավելացված մասն ինչ է՝ իմ թռչակի ավելացված մասից շամս է, որ բորիկացել, ընկել ես Նիկոլի ջրերը:

- Բա որ ասում եմ՝ դառն մարդ ես...

- Ի՞նչ արած, Շմավոն, թող թո ասածով լինի: Ձեզ բարի թռիչքներ, փափուկ վայրեքներ, Սերոբին էլ՝ իմ կողմից լիքը բարեկեր...

Էդիկ ԱՆՏՈՆՅԱՆ edik.andreasyan @hraparak.am



Մենք գործակալներով ու սիրով չենք հիշում ընտրական գործընթացները նախկինների օրոք: Ովքեր հիշում են, առջևից են, շփվել են, ամեն ինչ էլ կարող են մտաբերել՝ թե՛ ընտրակաշառք, թե՛ անօրինականություններ՝ խախտումներ քվեարկության կամ հաշվարկների փուլում, կուտակումներ ընտրատեղամասերում, բռնություններ եւ այլն: Ինչ ասես եղել է տարբեր տարիներին՝ տարբեր ուժգնության ու տարբեր ինտենսիվության: Չնայած, իհարկե, բացասական երեւոյթները պակասում էին, խախտումները՝ ավելի բարդանում է, ըստ այդմ, նվազում, բայց ընտրություններ, որոնց արդյունքներն աղտոտված չեն կասկածանքով ու թերահավատությամբ, Հայաստանում չեն պատահել:

Իսկ այսօր, երբ թվում է, թե ընտրախախտումների փուլը հեղափոխությամբ ընդհատվել է, ընտրական

իր գրեթե սովորական հունով, կառավարության աշխատանքը, Ազգային ժողովի նիստերն իրենց հունով առաջ էին գնում ոչ ընտրական ժամանակահատվածների համեմատ շատ փոքր տարբերությամբ: Այսօր մենք արդեն հոգնել ենք դեռուս չմեկնարկած քարոզարշավից, հոգնել ենք հետեւել, թե ինչպես է ամեն ճիգ գործադրվում վերարտադրության համար, ինչպես ընտրություն չեն դնում միջոցների մեջ:

Եթե ընտրությունների ոճն ու բովանդակությունը վատն են, դրանում առաջին հերթին պետք է մեղադրել իշխող ուժին, որի ձեռքում են ընտրությունների կազմակերպման եւ անցկացման համար անհրաժեշտ լծակները, ուժն ու իրավունքը: Իշխանությունների գործն է՝ լինել արդար ընտրությունների երաշխավորը երկրում:

Ի վիճակի է այս իշխանությունը, որը տառապում է ընտրվելու մո-

մեջ է արդեն տեսական ժամանակ, միևնույն ժամանակահատվածում օրինական գործընթացները դեռ նոր են սկսվում, դեռ նոր են մասնակցության հայտ ներկայացնում ԿԸՀ, իսկ քարոզարշավը չի էլ մեկնարկել:

Եվ արդեն կարելի է գնահատել՝ երբ իշխանությունը հիվանդ է ընտրացավով, այդ տենդը թույլ չի տալիս առողջ ընտրական գործընթաց: Առողջ միջավայր՝ հավասար, արդար, ակնհայտորեն չկա: Ընդ որում, որքան իշխանությունը տենդազին ակտիվ է՝ լարված, կատաղած, ընդդիմությունը նույնքան հիվանդազին պասիվ է՝ անմիաբան: Այս պայմաններում ընտրողի համար մի բան է կարելի: շուտ անցնեն այս երկու ամիսները, վերջանա այս լեզվակոծիչը, անարդարությունների այս շքերթը, իրավապահ եւ դատական համակարգի ծաղրը, հանրության զգացմունքների, Նպատակների եւ հույսերի նկատմամբ այս անամոթ արշավը:

Թալանչի նախկինների մասին բալլադներին այսօր ավելացել են կալուզացի օլիգարխի «արկածները», որոնք ամեն օր հեքիաթի պես պատմում են ԶՊ-ական պաշտոնյաները՝ մտածելով, թե նորից կարող են հեղափոխություն անել, չհասկանալով, որ իրենց կողմակիցներն արդեն բավականին փոքրաթիվ են՝ հեղափոխական ալիք առաջացնելու համար: Ընտրություններից առաջ իշխանությունները մեծածավալ սոցիալական ծրագրեր են սկսում, թաշակների բարձրացում եւ այլն, ու դա, իհարկե, ոչ մի կերպ ընտրակաշառք չի կոչվում, իսկ մրցակից ուժերն այս օրերին ինչ էլ անեն, վտանգի տակ են ընտրակա-

շառքի հողվածով: Նրանք այս օրերին լավ կանեն՝ անգամ թափառական երաժշտի գլխարկի մեջ մանրադրամ չղնեն, որովհետեւ դա կարող է դիտվել հանցագործություն: «Նրանց թվում է, որ իրենք կարող են գնել Հայաստանի ժողովրդին», - ասում է մի երիտասարդ, բավականին տիրաառչալ պաշտոնյա, մարդ, որին թվում է, թե իրենք կարող են հերթական անգամ խաբել Հայաստանի ժողովրդին: Նրանց թվում է, թե գոռով-շառով, սպառնալիքով ու բռնությամբ՝ ամեն գնով, հնարավոր է պահել իշխանությունը, թեկուզ դա լինի ամենամեծ անօրինականությունների ու ամենատեղեղ նվաստացումների ճանապարհով:

Ընտրողին նախապես այսպես հոգնեցնելը ոչ միայն տեղ է, այլև՝ սխալ, բանի որ «ինքնու դժգոհից» սա փոխակերպվում է «գործուն դժգոհի», որը կարող է գնալ ընտրատեղամաս: Այս վիճակին վերջ կդնի այն սառնասիրտ ընտրողը, որն այսօր անտարբեր հետեւում է նախընտրական անամոթությանը, դիտարկում է տեսածն ու լսածը՝ բժշկի նման: Այդ ընտրողը, որ դեռուս չունի նախընտրած թեկնածու, թվում է՝ անվորդ ու հոգևած, դեռուս մերժում է մաս կազմել ընտրական որեւէ գործընթացի, կարծես՝ չի գնալու ընտրատեղամաս, բանի որ բոլորից զգված է: Բայց այս բռն ընտրատեղի պայմաններում մի մեծ անակնկալ մատուցելով այդ փութաջան «վերընտրվողներին», նա՝ այդ բժիշկ-ընտրողը, գնալու է եւ բուժելու է հիվանդոտ միջավայրը՝ քվեարկելով հանուն այսօրվա պաշտոնյաների դեմքերն այլեւ չտեսնելու եւ նրանց ընտրատեղից ծվծված ձայներն այլեւ չստելու:

ԸՆՏՐՈՂՆԵՐԻՆ ՎՈՐՆԵՑՆԵԼԻՄ՝ ՎԱՆԵՑԻՔ ԱՆԱԿՆԿԱԼԻՑ

գործընթացն առավել քաղաքակիրթ չի դարձել, այլ այն ավելի ամոթալի, ցածր, շատ ավելի անընդունելի բնույթ է ընդունել ու առաջացնում է արդեն ոչ թե կասկած, այլ՝ զզվանք: Դժվար է ասել, թե որն է ավելի տհաճ՝ կասկածել ընտրությունների արդյունքներին, թե՛ զզվել դրանցից առանձին-առանձին ու ամբողջությամբ վերցրած՝ ամբողջ գործընթացից: Նախկինում ընդունված չէր այդպես մուրալ քվեներ, այդպես ամեն ռուպե թիրախավորել մրցակիցներին, վախենալ հրապարակայնորեն եւ պարծենալ արհեստականորեն: Նախընտրական գործընթացներին զուգահեռ, կյանքը շարունակվում էր

լուցքով, ապահովել ընտրական նորմալ գործընթաց: Ընդ որում, ընտրությունների արդարությունը միայն ընտրակաշառքը բացառելու մեջ չէ. ընտրությունը պետք է լինի ազատ, արդար եւ թափանցիկ, իսկ այն բարոյահոգեբանական իրադրությունում, որը ստեղծել են այս իշխանություններն ընտրություններից առաջ, արդեն ազատ ընտրությունների մասին խոսք լինել չի կարող: Իշխող ուժն ամբողջ թիմով տեռորի է ենթարկում ընտրազանգվածին՝ ամեն եղանակով ու ամեն առիթով մրցակցային մթնոլորտում պահելով հանրությանը: Երկիրը նախընտրական տենդի

Շաբե ԱՎՈՅԱՆ

Ազատ խոսքի Ձեր հրապարակում կարող է տպագրվել Ձեր խոսքը: Գրեք մեզ, գանգեք մեզ 011 (55,94) 52 66 70, info@hraparak.am Երեւան 0010, Մաշտոցի 4

ԿԱՐԴԱՑԵՔ ՀԱՅՈՐԴ ՀԱՄԱՐՈՒՄ



բաժանորդագրություն
Բաժանորդագրության համար դիմեք՝
Պրեսա Ստեղ՝ 093 88 68 01
Բլից մեդիա 52 53 01

Ստորագրված է տպագրության 18.04.2026թ., տպագրվել է «Գինդ» տպագրատանը: Տպաքանակը՝ 3000 օրինակ:

ՄՈՏԵՆՈՒՄ Ե ԱՊՐԻԼԻ 24-Ը. ԻՆՉՊԵՏ ԵՆ ԱՅՆ ՎԻՇՈՒՄ ԱՄՆ-ՈՒՄ



Ապրիլը ԱՄՆ-ում կոչվում է Հայկական հիշողության ամիս՝ Հայոց ցեղասպանության գործնով պայմանավորված: Եվ դա զուտ միայն հանրային հիշատակության օր չէ, այլ շատ նահանգներում օրենքով ամրագրված օր, ինչպես, օրինակ, Մասաչուսեթսում է, որտեղ նահանգապետը պարտավոր է ամեն տարի հանդես գալ համապատասխան հայտարարությամբ:

Միացյալ Նահանգներում այսօր ապրում է ավելի քան 1,2 միլիոն հայ: Հայությունը հատկապես կենտրոնացած է Կալիֆորնիա նահանգում, առավելապես՝ Լոս Անջելեսում: Ու հասկանալի է, որ Հայկական հիշողության ամսվա գլխավոր միջոցառումները հենց Կալիֆորնիայում են տեղի ունենում: Վերջին հինգ տարում, ինչպես գրում է armmuseum-ը, Armenian Heritage Month-ի՝ Միացյալ Նահանգներում զոհերի ոգեկոչման ֆորմատը բավականին ընդլայնվել է: Եթե նախկինում հիմնական միջոցառումները կենտրոնացած էին ապրիլի 24-ին եւ կապված էին Հայոց ցեղասպանության

հիշատակի հետ, ապա այսօր հաճախ կարելի է լսել մշակութային ժառանգության եւ հպարտության, կոլեկտիվ տրավման հաղթահարելու կարողության ամրապնդման նպատակով միավորվելու մասին կոչեր:

Իսկ ինչ միջոցառումներ են իրականացվում սովորաբար: ԱՄՆ բազմաթիվ համալսարաններում, գրադարաններում, դպրոցներում տեղի են ունենում լուսավորչական միջոցառումներ, երաժշտական հայտագրեր, հանրային դասախոսություններ, ֆիլմերի ցուցադրություններ, հանդիպումներ՝ հեղինակների կամ ռեժիսորների հետ: Փասադենայում, օրինակ, ցուցադրվել է Սերգեյ Փարաջանովի «Նոան գույնը» ֆիլմը, անցկացվել են առանձին միջոցառումներ Հայոց պատմության եւ հայկական մշակութային ժառանգության մասին: Լոս Անջելեսի Հանրային գրադարանում անցյալ տարվանից գործարկվել է Armenian Heritage Through Film ծավալուն կինոցուցադրությունների ծրագիրը: Անցյալ տարի էլ ցուցադրվել է հայկական սփյուռքի ամենահայտնի ռեժիսորներ

ից մեկի՝ Էրիկ Նազարյանի Die Like a Man-ը: Նազարյանը ծնվել է Հայաստանում, մեծացել՝ Կալիֆորնիայում: Նրա՝ բեքգրաունդի եւ մշակույթների միաձուլումը ստեղծագործական սեփական ձեռագիր է ձեռավորել:

Լրագրող Լիանա Աղաջանյանը, որը հրատարակել էր Dining in Diaspora գիրքը, նաեւ համաձայն նախագիծ է գործարկել, որով գաստրոնոմիական վարպետաց դասեր է անցկացնելու եւ քաղաքատնային պատմության միջոցով անդրադառնալու է կոնկրետ անձանց եւ ընտանիքների: Նաեւ ցուցադրություններ են կազմակերպվում՝ ստենդների, արվեստի գործերի եւ այլ արտեֆակտների տեսքով: Այս տարի սպասվում է, որ Լոս Անջելեսի Հանրային գրադարանում տեղի կունենա հայ լուսանկարիչ Արա Օշակյանի How the Future May Hold ցուցադրությունը, որը սփյուռքի ինքնության, ցեղասպանության տրավմայի, հարկադիր տեղահանության, վերադարձի իրավունքի եւ անորոշ ապագայի հետ կապված հետազոտություն է:

Ավանդական միջոցառումների շարքում կարելի է հիշատակել ամերիկացի հայտնի քաղաքական գործիչների, կոնգրեսականների, սենատորների մասնակցությունն ու ելույթներն այս միջոցառումների ժամանակ: Առհասարակ, խոսելով Armenian Heritage Month-ի մասին, պետք է նկատի ունենալ, որ Միացյալ Նահանգներում Հայոց ցեղասպանության մասին այդքան բարձրաձայն խոսում են՝ անկախ վարչակազմերից եւ այլն, այն բանի շնորհիվ, որ կա ամերիկահայ լավ կազմակերպված ուժեղ համայնք եւ հզոր լոբբիզ: Եվ ուղղահայաց, եւ հորիզոնական մակարդակներում ամերիկահայ լոբբիստական կազմակերպությունների եւ խմբերի կողմից տարվում է եռանդուն աշխատանք: Բացի այդ՝ արդեն քաղաքական առումով, կարելի է թե՛ Լաեւ, այսպես ասած, ընտրություններում 1 միլիոնից ավելի «ամերիկահայերի քվեները» ստանալու հարցը, որը շահելու համար նաեւ ամերիկյան քաղաքական շրջանակները չեն կարող չըջանցել այն հիմնական հարցը կամ հարցերը, որոնք հուզում են հայ համայնքին՝ նաեւ պատմական հիշողության հետ կապված:

Նարեկ ՀԱՐՈՒԹՅՈՒՆՅԱՆ